

甌雅卷

永嘉凍舜咨春湜纂訂

核刻



明

侯一元

字舜舉樂清人嘉靖戊戌進士官至江西布政使著有二谷山人集

感懷

朝脂千里車夕暮宿里閭
晷促纒牽長道遠將焉如
我道一何遠我驅一何緩
余髮非宿昔持梳不能滿
尚生遊五嶽若士期九垓
問子獨何禁苦斲良不材
車輪轉腸中何不時邁哉

二

驚風薄高林浮雲渺東去憑高望新汗不見汗上樹
寢庭永寂寞彷徨不知處斬刈時則愈復來復如醉
三奎歎誰遺九折行多畏方知賤捧檄豈復慙敗絮
冀奉不肖軀揚名在卒歲

三

子雲泥蟠時著書擬八索如何一朝去投身向新閣
鉛槧故多奇精蘊良寡獲大音超律呂至敬靡酬酢
庖犧亦誠勞人文兆一畫遂令百代後殺青遍林岳
仲尼欲無言斯懷諒綿邈

四

昆弟少年時未識連枝殷繞膝誠迎樂有時嬌怒嗔
 玄髮日種二不見堂上人彩衣擲堂皇兒女森前陳
 亮哉昔人言來者日以親追存平生愛兄弟如一身
 置酒羅高堂塌筯迭相困譬彼棘上露湛恩迨良辰
 茱萸醉秋節棣萼敷陽春當年不為樂素席生黃塵

五

天地何不仁盈虛運終古昏明自時命生民亦誠苦
 高衢鳴餓豺賢愚盡遭虜禦貨劇國門噬人猛於虎
 文吏善周内同惡如市賈邑里漸蕭條良田遂榛莽

安得桃花源 奉身謝時組

六

明月出東方 素琴淨高張
鳴琴待山月 音響何琅琅
試為寒泉吟 風聲夜蒼蒼
曲罷長歎息 憤思隨風揚
佳人渺天末 欲往川無梁
空為山水音 魏魏復洋洋
鍾期久不存 惻愴心獨傷

七

昔余游上京 懷刺投高門
高門何巍巍 廣遠咽朱幡
見帝獨誠難 况乃蒙一言
驅馬棄之去 蒼拙于邱樊
日月逝不留 人事遂涼暄
青雲沉黃泥 高門成毀垣

不見昔時人但聞鳥雀喧
鄙夫常死權日晏車不懸
博者忌分功抵戲從古然
蔡澤西入秦相位一朝遷
嬰蚡各樹徒盡錯互相煎
朝衣即東市不及收纓綈
患至非一人往呼蒼天
蒼天亦何尤斯人自成愆
前事諒未工來者復勉旃

八

萬有何穰：悠：托真宰
譬彼水上漚仙人復何在
百年不自保安見桑田改
坐令誤人主驅石赴東海
蒙莊闕天游薪盡火不沫
叶曠浪道遙篇千載如有
待

九

結交良獨難樂在相知心三友共一龍終成商與參
皂帽遯何肥割席嗟彼歆戮力就當連素業遂仄沉
當其為園時揮鋤徒見金諒非白玉姿在滄解不侵
巢父逃許由嗟二恐見尋

十

梁鴻入會稽五噫刺封殖土階誠乃陋比屋蒙安宅
奚蓋暑不張李姬寒不帛猶然逃厚祿憂心長惕二
李悝兆亂原一朝破汗酒并植競紛奢貧者不得職
何繇反厥初九野重分畫甍犬夜不驚乳虎遠屏斥

仁政始經畧斯言良不易

十一

陶公頗嗜酒獨酌常欣豫北海貴食客滿座始適意
二賢各一時殊塗迥同趣苟無老成人希知固為貴
平原恨曠容尚父并姬御豈不見蔕藜樹之還得刺

十二

大鈞無私弄賦命有厚薄如彼斷蓬草隨風異所托
高者處華茵下者入溷濁造物亦何心人情有苦樂
彌綸使其齊豈不在賢傑中州昔顛危整旱千里赤
百萬成五枯詔書為之恻七貴啓朱門五侯方台客

歌吹入青雲烹龍行鳳矣狼戾豈粒米寧知道上腊
用物忌太弘鬼神害盈溢所居若傳舍遽已閱流春
哀哉次公狂古今同一貉

十三

脂車秣駟馬吾將遠行遊長天幾萬里目盡意不休
鄒生河漢談海外復九州九州亦誠遠環瀛竟安周
停策心有惟俛仰但懷愁坎蛙蹈東海夏虫懷素秋
後知入無涯不如守一邱荒哉穆天子日晏遠淹留
雖得觴瑤池徐方成繹騷澄心謝塵鞅戶外非所求

十四

任公綸巨繩窮年瑯海湄所志非小鮮安得免長饑
顧視里中漁日獲飽鯁鯢一朝連六鰲威計始有餘
嗚：磻溪叟大莖為周師無為歎淹留小大各有時

十五

孽雉鳴漢宮非劉盡南面鸞鵠啄皇孫唐京入周甸
曲逆知有餘狄公忠逆見向微二士力王綱絕危綫
彌綸誠逆人頗亦藉天眷朝露寧可期白圭偶為踐
慨默白馬盟間際五龍薦君子大居貞功成非所羨
漢庭有聽相危言一何仇叶癡姨守區二城南獨負
賤

十六

秋風橫大河，悠々日東注。萬物皆有歸，西還獨無處。
子高辭伯禹，始覺斯人異。寧知千載下，世亂幾揮涕。
桃源賴天阻，頗得存古製。外人開所聞，一一皆驚喟。
淳泊不同源，已通還復蔽。平生懷古心，韋編每中置。
何由挽江河，暫為愁人住。

十七

夙昔慕芳草，樹之滿中園。抱甕自汲灌，朱華一何蕃。
棄置曾幾時，一暴理不存。榛莽忽蒙翳，生意如燎燔。
淒々歲欲卑，霜霰日夜繁。何用充我禱，贈彼心所敦。

嘆息將奈何
賴此有微根

十八

逍遙步南山上
有秦古墳遺
焚宛然存
游氣空氣氤
未知宅室時
玉匣遠蒲茵
惜哉無紀誌
世遠不可凍
耕鋤偶及之
千載故幽淪
莊周不及歎
西伯不及仁
長與神明徒
青山以為隣
古人亦何勞
號之冥漠君

十九

燕王市枯骨
竟得千里馬
楚國式怒螳
勇氣滿車下
桓二周將軍
仗劍清朔野
一朝捐轅門
萬事如飄瓦
奇功不及賞
誰與存老寡
一叫怒天閭
群龍遂喑啞

二十

浸漬改素絲食餌移蒼蠅
喬林仆長松女蘿復安托
夫子起關西發源自伊洛
一見披青天春風揚木鐸
造化妝元精斯人遂不作
紛々詩禮儒末俗徒為薄

二十一

豐狐本來殫舉世皆為羿
如何遊殼中徘徊獨不去
猥二者誰子術玉呈六藝
既詔鄭賈笑復碩荆南涕
誰令來不祥西郊空反袂

二十二

朔風吹白榆邊塵黃蔽天
鳴鏑逐阜鷗雜虜何翩々

都護新喪師士氣鼓不前
哀哉白登道白骨相糾纏
天子坐明堂宰臣司國權
提書旦來入穹爵何巍然
豈見邊人死長城空暮烟

二十三

群龍御青天萬物講朱明
中烈秀微婁達士歎然驚
女壯將奈何聖人垂至精
漢道昔全盛舉國殉其名
重離正東啓哲士思遺榮
賢哉二大夫東海悲蕭生

二十四

神龜夢元君哲腸翻見剗
京房卦涌水掇患慙其徒
君子實安帝寧論苑與枯
乾鵠善知來不如聽靈鳥

烏憎存惡石鵲美毒滋多叶

二十五

聖人在中國海波何屢揚
中丞授斧鉞討伐肆王章
采沮入鯨鯢天孤遂開張
功成不及退盈筐謗書行
叶出二中山功諒哉非樂羊

二十六

才難自古歎千里為比肩
蘭言一相失默二將誰憐
下士大笑之所悅非我妍
悲哉子牙心臨風遂絕絃

二十七

謝公當世傑白社思見辭
矯二榮桑翁臨門復措眉

白玉自有價不為燕石移
什襲良已勤方為達者嗤

二十八

東海有巨魚俾赫常千里
風波一朝失委身困螻蟻
齊人將築薛止之在三語
奈何漢武皇疲人事傾宇
栢梁既栽建章復語空為
大盜積坐竊周公辰
孽火從東來斗柄旋西指
回顧望秦灰十載齊一軌
戒哉古人言覆舟在淵水

二十九

隙駒無停景壑舟不須更
造化比委形牛山獨何愚
古人慕炳燭日晏乃忘劬
何不鼓瑟遊仁義為我廬

九月二十一日賞菊莊有文宅限競病韻

白露日云結青女初來令端居感素秋携手存同病
入門者氣聞黃花一何盛朝暎助翕掩涼颺翼孤勁
離金粟垂架玉瑤華淨五雲互縹緲殊色自相映
百草皆已靡孤芳欲誰競有似靜者心無人自伶俜
巡簷共一笑持盃遞相命采不能歸因之發高詠

秋胡行

朱鳳何歲雛求友起丹穴何物垂九尾綏慕儔匹
豈不結同心群物有本質千仞起高翔恩情從此畢

雜：白楊花 渙：秦清流 弱質不自持 因風日悠々
伊人獨匪石 密緻等栢舟 生不逢周南 獨與怨耦仇
陳義未及終 舉身赴長洲 彼美鬢真如雲 象服鳴玉璫
芝蘭守窮悴 茨菘禱公侯 哀哉復何言 毋乃造物尤
夜過雪窻道士因贈
春月一何妍 浮烟滿城闕 道人驚獨卧 謂是窻間雪
披衣聞扣門 剝啄方未絕 啓戶向余笑 霜髯何峻潔
欲問黃庭經 至道不可說

君馬黃

君馬玄々以黃左造父右王良 廣輪蓋九土 躩蹠鶩

以揚瑤池咏黃竹宴樂同西皇月初弦日扶桑壽萬
歲齊三光君馬菽粟君士批糠陛戟守空宮蛾眉成
秋霜君馬兮歸來東土騷徐方

遠遊篇

我有千載期迨之在蒿霍側身天地間九州為我幕
泰山秦時松歲久應凋落年顏不復振今日還非昨
三山聞已流仙人尚安托縱酒恣遨遊誰能待笙鶴
不寐

老至覺夢短况逢冬夜長擁衾其奈何輾轉及曙光
百年速流電多岐幾止羊弱齡暮前脩升陽在扶桑

前期指崦嵫脩途浩茫。斯懷俄頃間一擲三千霜。
綠鬢微霰滋覽鏡毒我腸。良疇苦晚播歎息此空場。
矢詩示來人勗哉在青陽。

懷古

仙人弄玉笙遨戲墟埃外迴幹六合間一否復一泰
能令秦山礪復見黃河帶如何羽翼成一往遂長邁
徒遺祖龍壁空觀蝶犬恠坐令軒轅帝日不廣成拜
大易示不盈老氏存去太豈不見齊山青。至今在

天上謠

白日不可到青雲杳難攀借問杞國人何時造天關

顧瞻正八柱拂拭清九寰太乙奠當中三垣左右環
執法何煌煌文昌安且閒箕畢司雨澤九土永不艱
掩抑揆槍星天孤使之彎傳說曳微輝委蛇閭闔間
方朔何小兒窺桃惑天顏司命聳長劍逐之委羽山
朗然天宇清長嘯隨風還

結交行

種桃玄都側灼灼開春風花開齊作實矣夏茂其濃
自言長如此結托兩無窮一朝龍火飛零落飄西東
芳條不可結翠幄俄成空滿堂平原客不立救趙功
三千復何為相士良未工海曲竄高士湘潭放清忠

嗟爾腹背茸馬能起蜚鴻灞凌逢醉尉失勢無英雄
死灰何時然揚眉起徒中長歌唾壺缺曲罷心衝二

砥石篇

洪流噴薄長河凍僵走鯤鯨翻蛟螭孤根岌岌向中
植神物出地天職之矜研老樹鐵幹拔斑駁苔花青
錦垂東流之逝不知其幾千載此石猶自特立而纒
蕤長雲遇之若卓筆之書空暮雪薄之如玉燭之淋
漓上尋無極青冥色下入頌洞黃流漸誰哉作者何
其紛詭而奇麗令我目極而神疲吾聞女媧鍊石支
天傾河流乘涼歸東維爐錘變化正熖耀踴躍忽墮

河之坻或云大禹勤平成八載不入身胼胝驅神鞭
石不可以名紀層厓琢落成嶽嶠不然何以突兀於
中流縱有人力將安施嗟乎泥丸走坂水注波東馳
下射無已時水鳧泛泛得所適浮漚宛轉隨風移嗟
我石丈豈不危日與驚浪相抵巇吾恐蒼水馮夷之
相與為黨懷襄之勢堯猶咨豈不見屈原懷沙子胥
鷗夷蘭蘅杜若不能以自固相與雅化為柔施嗟我
石丈豈不危由來神物天護持龍門碣石既已建終
古不變剛雄姿出為鼎石支廟堂處為穀城帝者師
孰云斯石之可轉已見海水三變為清池吾誠不能

與汙泥而雜處故塊然獨守吾天倪

金陵聞笛和友人孔均坡

月出金陵城遙聞玉笛聲
萬里迤三碧空淨五月裊
裊秋風生乍如叢薄猿狖鳴
冰厓雪澗淒且清天風
一夜下鸞鶴仙樂嘈
飄錦笙梅花如雪落楊柳舞
烟輕城南思婦關山夢塞北
征人雨雪程嗟我馳驅
狗微祿十年五上樓
珠京鴉啼省樹暮愁結挂動春
田鄉夢驚可堪聞此長嘆息
令人忽欲拋塵纓東齋
有客坐惆悵魚箋示我聞
笛行讀之未了已沾臆與
君踪跡俱浮萍何當一曲芙蓉澗
牧策漁舟弄月明

八韻琴歌用蕩南先生韻贈郭翁

玄猿嘯白鶴翔江南歲晚梅花香
迥巷絃歌猶懷古
僞賢一曲天蒼涼
關之者睢在彼中
河古風不作悲
湘纍若有人兮山之阿
泉石幽之媚樵侶
水雲漠之
聞漁歌
今我不樂當如何

月夜同從弟伯卿

九牛山前月華白
九牛山下行人寂
披衣出門隨所
之微行
歷盡青山
百青山
明月倍堪憐
秋近涼風生
夜泉池塘草色露
中老更一題詩與惠連

遊雁蕩山歌天柱峰月不作

尚平逸思來春發星飯盤迴度林樾行攀霧雨不辭
勞到惜烟霞坐沉沒枕上愁吟聲正悲冷然坐覺天
風吹淨掃青天放紅日山靈一夕開雲涯初沿石瀨
厲清淺更訪雲臺陟高嶽鼈簏出書手自摸蒼厓黃
絹心能辨春遊爛熳散晴暉海鳥江猿共息機祇從
雲外遊籃輦忽向山前逢白衣白衣山人孔文舉屠
君亦是青霞侶鐵笛相携吹洞雲玉杯並坐分仙乳
山路俄驚白雨霏天邊遙指玉龍飛牛渚千尋懸組
練驪淵萬斛馮珠璣輕吹巖霧縈風色寒舞天花凜
雪威可是天孫落機杼剪刀擲五何崔嵬崔嵬截窠

連天起復道撐天有天柱屏風千疊張錦霞側翫雙
鸞扶玉女樹杪初窺欣一笑到來却立祇狂吟已訝
高雲礙不飛更堪夜月孤相照爾時山頭欲二更禪
堂吐月寒飈生灑氣空濛灌絕頂明星迫窄愁孤撐
澗戶時二猿一瀟春空澹二鴻蜚鳴山人杯葦羅前
庭舉頭仰視天宇青中天一道破深碧影入虛無連
紫冥吾聞八柱撐青天共皇一怒七柱并穹厓剝落
赴東海獨留此柱支天傾卓筆書空何崢嶸展旗上
獵黃尤精雲間乍歇彭鏗杖月下遙聞子晉笙嗟我
馳驅走京洛半生踪跡違蓬瀛鏡裡行看玄鬢改巖

問空對紫芝榮何時拂衣謝明主鑑湖一曲隨漁父古
洞黃精帶雪鋤春澗龍團來月莫舉觴問月之不
留古來才傑多慙尤謝公蠟屐苦不遠千載榮華成
古邱男兒遊當十仞天柱牽濯當萬里雙龍湫安能
超超傴僂向高貴森禪獅鬣生煩憂

天姥山古松歌用人韻

朝菌榮湏臾焉知天地終八驥徒自騁九州寧盡通
秦人桃花閉已久曾城琪樹誰能逢天台縣南仙居
北傳聞此地仙人宮崇崖峭壁造青天上有嵯峨岨
起盤古之高松清晝白日雲籠二蔽虧二曜摩層穹

日車俄軫不可以徑度遠扶電母指雷公根深歲久
成鐵石左擎右攫騰蛟龍有時大塊來噫氣排江走
海波洶々風恬雨洗翠蓋揭長天正綠顏色同輪囷
譎詭百恠出迺有茸毬絰結厯碌當其中借問初種
時何人斲洪濠植桂廣寒殿種桑滄海東北木復是
明堂珍何獨塊處此萬丈之玲瓏彼將遠文木青黃
之累收櫟社無用之功詎假液楠辭匠石不將憇息
邀秦封時傳綠火仙人鶴更陰商山采藥翁昏黃曾
無鳥雀聚日落豈畏牛羊踪徂徠諸孫遠羅立多材
剪伐何匆々繳外人間久相棄飽纏霜露停春融蔽

牛蔭畝豈足喻側幹直欲卑崆峒昨者黃巖兵燹紅
行人辟道緣雲峰鳥道盤迴偶經此劃然一見開心
胸恨不為我遠携致漆園坐傲前時蒙歸來抵掌相
向說聽之不覺神為空眼底童二倚天蓋耳畔瑟
鳴秋風吁嗟乎魏王空誇五石瓠枚叟莫羨孤生桐
枋榆斥鷃自有種豈識萬里飛天鵬茫茫天地何時
老但覺此物無終窮披衣長嘯出門去九遊汗漫吾
將從

十里灘登岸微步度澗得清字

十里灘頭波浪聲憑高乍遣容愁清數家茅屋覆黃

葉一徑秋花飛落英水翁格：不知數溪女遙：如
有情客行見此空歎息明日孤帆更遠征

月下泛舟聽簫歌

樓頭月色紛：白起望長河如曳帛扁舟共載同心
人况有吹簫紫烟客金尊玉管置兩頭榜人棹發齊
清謳明月究：當中流迢波遠泛何悠：四顧無人
悄悲嘯涼風天畔吹不休田蛙草虫不知數相與叫
聒聲秋：舉簫屬客初：吹徵宮相切何其悲浮雲
滿野低不去但見明月西南馳清如綠水翻玻璃細
如秋夕鳴鷓鴣江畔楚臣情哽咽北風代馬聲酸嘶

壠坂車摧鷓鴣叫遼陽夢失寒鳥啼不知何人為此
奏坐令曲罷風淒二夜深更作弄天樂碧空鬢髮鬢
黃鶴子載將雛暫一歸四山繚繞空城郭餘音裊
隨風揚四座聞之俱掩觴赤壁高人何處在獨留水
月小蒼二吹簫引鳳二不來簫郎秦女俱悠哉仙人
相接古來少惟見西山子晉臺

病驥行

東郊綠草平如織手韉老馬憔悴色立骨如山逐日
高平生一秣經旬食桃花色落春雨中血汗溝珠不
復紅時二誤聚城頭鼓夜二驚嘶朔漠風憶昨將軍

豪且雄挑絲手戟如旋風相隨逐虜陰山側邊塵淨
捲秋天空前登燕然等歷塊下飲瀚海如渴虹可憐
得人馬同歸鞍獵長揚東時平歲久稀戰鬥病魔
欺懶遂相寇聲價曾居駮駟先支離及出駕駘後感
茲赤汗漉然流正值秋風病砍瘡輕身不覺起金埒
緩步先憑動玉騎可汗葡萄行未入將軍細柳欲封
侯沙塞迢二千萬里為君一日海西頭

孝子刺虎行

君不見李將軍夜行遇石以為虎彎弓一發飲其羽
精誠貫石二為開南山白額安足數又不見劉家少

女操尺箠獨行驅虎如驅豕
豕齧齒如銀噤不施惠質
稜一男子昆陽宋公去我久
泰山哭聲時復有東
嘉惟虎天遣來駭形人立而
箕口初時空山獵猛獸
漸入人家血雞狗年來甘人
厭百獸白日公然來戶
牖十里五里颶風颭千人
百人愕回首可憐昨日溪
上翁千金二子如花紅袍游
一擲形影空滿堂血淚
橫春風破家不惜募惡力
豈少烈士爭奇功神妖變
化不可測對面不得施長
弓樟檉兩谿道欲絕蓬蒿
萬頃秋苑、東嘉大夫憂井
稅焚符日夕祈天帝空
有土神可百鬼巫咸愴恍
憂難制嗟、孝子何自來

槁骸黃馘顏如灰父子相隨荷鋤至當道霹靂靈椿
摧同行辟易紛遯迹五內獨裂誰為號斬木為兵手
自操壯士從者三兩曹跋草蹠血穿林皋揮戈直前
天為高戾虫妖氣那可接倉皇一換寶刀折嗟二孝
子命如葉天皇地后森羅列左右兩鉞交飛雪千鬼
淒絕草潛結金精射地忽星隕錦襠雨血從空掣攀
栢號風魂詎知塌地傾天憤難泄孺啼手骨歸前村
野老驚謹^呼出門平生膽怯走咋狗何知勇氣彌乾坤
投軀援親二不全滅仇履膈三亦穿未論雪耻報秋
井且與隣舍開春田旁人莫訝春螽力忠信可以回

高天吁嗟乎蓬蒿之下有祥鳥早飛不得棲高梧茫
茫大國翻翅無悲哉乎南山之狐不能射何事日弄
金僕姑嗟：孝子真大夫

古琴歌獻郡伯龔公

東德

客從嶧陽來遺我綠玉綺開玉架然呈古色冰紋半
蹙梅花蕊高張試扣三兩絃春雲黯淡春雷起想當
初斲時孤根半生死霜天哀音飽喧聒陰澗寒聲瀟
清泚一朝遇知己激烈聲清音脫我窺下養裁為膝
上琴連城高價輕白璧朱絃疏越徽黃金離：黃鵠
風前唳嘯：蛟龍水底吟一別龍門今幾載朽質星

霜久逾耐何必鍾期龍不碑知音更有中郎在漢殿
新聲幾侍桓山陰白雪還隨戴由來神物待靈人劍
遇張華始出津持將渤海堂前獻獨對薰風阜萬民

陳將軍歌

陳將軍真丈夫願身鐵面何魁梧腰間八石金僕姑
燈前百萬長呼盧隴西陳安真壯士成都猛將天下
無少年曾射賢良策厭作窓間讀書客仗飛六郡讓
雄鳴壯志沙場存馬革兜牟本自悅詩書文雅風流
總不如談兵幾避黃公席作賦能迴長者車貧家養
士之黃金孤鷄憇籠隨衆禽一朝海氣連天黑虎符

夜下空愁心挺身倉卒無軍旅授甲單驅烏合羽陣
前怒電搏驚雷陣後頽雲解殘雨可憐沫血張空券
好似居延敵左賢羞為求生隴西谷竟作叛國韓延
羊丈夫長寢事已畢要使孤忠凌白日天意悠々那
得知異材當代長相失即使名成百戰場金牌肘掣
身亦止墓前古木空南拱獄裡寒灰更不揚弓劍歸
來且莫傷應為厲鬼扞邊疆還聞俎豆西湖曲地下
長游武穆王

贈毛秦亭

成連棲海山琴聲伴鬼神
姑婦語中夜玄機驚積新

樵夫劬女何為者張生得之書絕倫乃知神物有天
授舐筆和墨非其真少年翫鞵慕遠遊負氣偏側隘
九州思憑咫尺河堵力坐閱萬里滄溟流錢塘戴生
去已久紛二世上丹青手後來崛起有毛君意匠翩
翩垂兩肘兀坐繩床萬事忘神遊上古參媧皇須臾
劈劃出天地蚊蠕萬彙何攘：案上飛蠅拂不去松
間仙老遙相覩舉身欲跳白玉壺洞口桃花無入處
古來廉吏不可為君家烈祖空見思五車書籍今安
在却作江南老畫師吁嗟秦亭絕藝天下無君今懷
璧何處沽黃金臺高千尺孤與君更入燕王都正逢

天子中興日試貌麒麟閣上圖

北風行

十月一日天地昏有風獵獵來寒門初時驅塵掠沙
岸對面忽失原上村掀濤揭浪湧平地長河之水如
逆奔太陽慘無色偪側頽義轅顧鬼匿不見白榆無
復存六合混沌一氣相激吞遂令蜚廉專恣轉狼
戾獨持橐籥排乾坤入夜獍惡不可論前于後馮相
續噴摧堅陷陣聲桓桓何啻戈鋌百萬相逐喧六鰲
蹶負地紀塌大鵬怒翼天池翻可憐一葉之舟渺無
托命懸短綆爭做根臥勦側枕不成寐刮刺兩耳搖

心魂吁嗟乎行路之難有如此性命不得同狐豚長
裘似鐵不復溫夜半兩足如蝟躄何為栖：走薄祿
翻思茨不安坐捫蝨而負暄於是乎歌北風之詩開
彭澤之尊丈夫不能蠶：佩六印且當偃息歸灌園
南中綰綬聊復爾終期高舉迴吾軒

天津行贈張兵備

官河十月風焚輪吹落扁舟析木津析木津前水光
闊長天一望青無垠雙流控帶寰中水歲：朝宗歸
帝里繡衣開府一何雄階下千將羅虎士憶昨行邊
穀洛鬪茫：九土通寒溜至今木杪棲殘直水落烟

空野無獸多君下車纔月餘嗷鴻雁來旋居水邊
磬折見何祇賓館招邀仍有魚與君結交自年少鳳
毛麟角推辭妙茂先博物世所希九齡風度誰能肖
驄馬馳驅遍九州目中萬事無金牛只今提刀起四
顧躊躇不語心煩憂知君籌略非尋常偏師獨鎮當
近疆津前百萬帆艦張肯令一卒呼餘皇佇待山東
靜群盜功成坐論天池旁吁嗟乎天津之水通天潢

行路難

誰道惡禽惡石迥為錯誰道故人好驅車太行道
誰言平生親邈若越與秦誰言恃姻故不如遇行路

伏波載薏苡受竄故人子茂宏負良友國士由之死
物情近難得自古皆如此行路難將奈何任爾門前
施雀羅且免薄俗相經過眼前鍾鼎須臾爾異日那
知與仲多恁之一望同山河

黃鵠歎

君不見漢家天女嫁烏孫香車百兩乘金根蛾眉摧
辱死異域至今黃鵠悲其魂骨肉相輕空復爾漢家
事業東流水叱咤吳兒氣似虹壯士何辭麥城死帳
中之子阿父踞片語不中推墮地功名富貴等浮雲
豈學齊君空掩涕

野田有黃雀行

羽二黃雀生彼野田叢林夏清斜旭冬暄遺粟充糧
蹄涔為泉軀微不足登俎筵低飛無復迹鷹鷂憶昨
失故林誤栖瓠樹顛心驚膽落更羸絃王孫暫開籠
幾死還得全豈不見貴人頭上翠雙翹又不見萋蒲
庭畔鷄高懸東門之養令人愁軒墀之寵安足賢君
不聽野田黃雀吟試讀莊叟逍遙篇

日出入行

日出東海沒崑崙六龍無時休萬古長飛翻海外如
有人安居無事推其轅扶桑東枝瀛海流九維恢々

令我愁成言崑崙是地軸東維一曲成九州太陽居
然有遺照燭龍吐耀承其幽天宇寥々昏復晨日中
更是堯時春誰言黃河不可俟轉見白日西方淪朝
來墳典已稀闕豈識異日誰何人世儒小辯良可悲
說瓜未竟秦機適仲尼多智尚難決笑殺當年二小
兒不如端坐支兩頤日出而作日入嬉枋榆飛槍幸
可適晦朔之外何庸知南華老人去已久千秋旦暮
還遇之君不見冬至白日添微絲迴環萬古同一時

泰山高

吁嗟雄哉魏々乎泰山之高々入於青天我來自東

魯去之千百里已見遙空一抹生眼前
天王丙辰孟秋朔長風送我登其顛
初時列施猶蜿蜒滿目蒼翠耳流泉
樵人引我向空去一步一顧生雲烟
天門何崔巍層巒玉立飛流珠射欄
若星漢之相輝猿猱不得度翔鳥不
能飛頓足欲止中心有違崇山不至
吾誰與歸褰衣蹠足始復進但見蓮
花戎削從中開五松亭之望不來大
龍小龍相喧吼捫蘿轉石勢欲盡
乃有天梯鳥道詰曲生巖隈行半道
兮冉力不足仰彌高兮顧生竭才神
為車兮尻為馬不覺身上軒轅臺
九州畫塊海水浮杯俯首視六合
茫然使心哀蒼

生久失職白屋生蒿萊
吾將沛雲雨於八荒
暢膏澤於九垓
舉頭扣天闔
白日陰以雷環轍
周流不得意
纍纍喪氣
顏如灰
涉絕頂
兮歎峯古
封禪兮此臨覽
穹碑之萃律
嗟秦漢之侈心
雞鳴天正昏
扶桑上朝暾
赤鳥飛海底
野馬騰中原
一氣何茫茫
曠望疲心魂
但見鄒嶧組
徠遠近羅為僕
丈人踞肆何
雄尊蝸封蟻
垤兮繩繩而
在下紛吾不
知其名兮見
微青之抹野
固學茲而不
至今亦奔騰
而不舍由來
西母配東皇
仙掌迨之出
雍方南顧祝
融橫地紀北
瞻恒嶽臨窮
荒嵩高少室
峙玉城拔地
騰天五曜明
自是乾

坤首一索入方基時歸其兄追昔鴻濛剖天地茲山
突兀何歸異中更四萬八千年名傳七十有二帝降
神莫謾誇申甫堯舜之功一坏土毓秀儲精經幾秋
始見伊人出東魯萬仞崇功不偶然不經屹二搜遺
編力挽江河回砥柱手持日月行中天曾此登臨小
天下蒿目悠三垂大野七十心傳盡聖儒三千手植
皆梧櫟從此三才成鼎立海竭天平功不易盡道穹
窿絕土壤寧知積累由拳石嗟余仰高苦不力百歲
流光半虛擲膏道驅車試一登日極神疲嗟脅息君
不見縵斷木雷穿石階懸道則邇路峻光未夕八翼

既凌厲九天亦可極巍：乎泰山之高：入于青天
官齋白首愁相憶

點蒼山三石歌

屋裏羣峰何萃律中峰
曉靄白雲出白雲拖練橫青
山山前碧水疑潺湲合沓青
峯看不盡遠山側出還
相引澹：川原百里餘一
望那能天遠近左山迢：
起秋色落葉萋萋寒露積
蕭條古道斷人行側耳如
聞風戢：右山浩蕩橫中
流滾：長江天際頭渤澥
潮來滿天地海門一葉疑
扁舟左右江山生指顧不
出庭階三五步丹青非繪
復非圖石上何人染毫素

却憶古來圖畫人虎頭摩詰稱絕倫
輞水吳淞至今在人工殫極非天真
天上神人何不有錦裳亦自天孫手
斫起諸公按此圖也知袖縮楊生肘
神仙戲筆疇能傳解衣好在天帝前
意匠經營君不見背面滿壁飛雲烟
吁嗟乎黃金白壁人間寶巨室朱門應
不少玉軸牙籤儒者珍時移歲久成
灰塵豈如三石生神山逋緣萬里來
塵寰鼓琴能令四壁響對酒可以開
愁顏狂來欲學米公拜老去更哂平
泉慳人生如寄石長在螭蛄豈見青
松殘撫石盤桓且寄傲百年萬禩如
等閒來者如今勤護惜長留此石着
人間

... ..

... ..

... ..

... ..

... ..

... ..

... ..

... ..

... ..

通文

...

甌雅卷

永嘉陳舜咨春堤摹訂

校刻

明

侯一元

夏夜力疾登眺寄別石屋省中

夜色紆玄覽
山河壯禹功
鳳城千雉斥
魚鑰九關雄
材薄甘為櫟
身輕任轉蓬
平生犬馬意
今以付諸公

二

石闕俯岵堯
天空夜寂寥
雲開孤月近
城倚衆山遙

勝覽難長托歸心不自聊鄉園見叢桂千里為君招

三

城上與雲齊登攀夜不迷澄湖遙泛月芳樹曲籠堤
宦轍同劣狗閒心似木鷄江干指歸路春草正萋萋

四

相慕一相尋嚴城限夕陰荷香乘暗發鳥影入湖深
看樹經年夢城鐘徹夜心離人當此夕已覺鬢毛侵

江行雜興

城倚夕流明長江似掌平潮侵春岫濶棹拂落花輕
渡鳥烟中遠小鐘郭外清滄浪羨漁父吾欲洗塵纓

二

夕水澄於練春山疊似螺
瀑流來雨集城樹入烟和
早憶鱸魚味還傷孺子歌
白雲歸古晚攀望欲如何

三

解纜流潮急鳴榔春晝長
落花飛野渡輕燕語船檣
山水玄暉宅蓴鱸張翰鄉
春遊一寓目江海意俱忘

四

水禽喧野渡春望正依之
百道懸泉落千山白雨飛
稍看烟出樹靜覺水侵磯
安穩漁郎意來流殊未歸

五

春色藹平疇微風翼泛舟青山迎棹出碧樹入河流
耕鳥烟村裏人家水岸頭鄉園占有歲且得慰淹留

六

四月山村裏家：布穀鳴遠風清麥氣新雨和泉聲
饒婦將兒出樵童趁犢行躬耕正自樂何用擊微名

向若亭

恠爾幽栖處竒峯削不成為樓窺赤日俯檻據滄溟
野馬石林氣蒼蠅水市聲桃源復何處此地渴塵纓
復朴軒是石屋思適處賦得藏字

辭賦早升堂心齋欲坐忘守雌從白黑為木謝青黃

已却神巫術，應深良賈藏。
煩君關重閉，寂靜養初陽。

石屋山亭

雲裡樹模糊，飛亭向晚孤。
秋光淨小郭，月影散江湖。
鐘動市喧寂，風高候雁呼。
神州何處是，把酒問夷吾。

靈隱寺和王仲山韻

一徑入空濛，盤迴大地中。
石門纔漏日，虛穴自生風。
是法皆無礙，尋山併得空。
飛來留幻語，正可喻群蒙。

二

古殿冷淒淒，年深老衲栖。
法輪終有相，荒樹欲無蹊。
麀鹿衝人過，鼉鼉映竹啼。
獨餘滄海日，還照昔賢題。

三

習靜淹餘興，隨緣更出關。
斜陽映紅樹，人影落蒼山。
澗水相隨遠，湖雲盡日間。
因知方外趣，自不離人間。

禹廟

元圭告錫後，古廟幾千秋。
河漢流中國，風雲莽一邱。
鼎餘魑魅跡，香傍衮龍浮。
帝德終何有，空知拜冕旒。

二

草昧神功峻，山河聖澤餘。
地平三壤業，家誦九疇書。
雲棟龍漿化，霜楸馬鬣墟。
臨流聊躑躅，今日免為魚。

適園

對面大人峰，幽蹊桂作叢。
石痕新舊雨，藤蔓往來風。
鳥下窺丹帙，魚游逗碧空。
若無羅逕入，何減武陵中。

華蓋山亭

華蓋倚城顛，登臨萬木烟。
亭孤當落日，江遠欲浮天。
雙樹春雲裡，孤舟野水前。
春心成浩蕩，一倍惜離筵。

即事

東閣開清禁，言從曳履過。
瞻天堯日近，行樂舜年多。
邦禮饒圭璧，宮車雜綺羅。
如聞鑄荆鼎，五老五遊河。

聽歌贈張尚寶

聽歌靜夜分，簫管併氤氳。
階下融寒雪，風前逗白雲。

渭城勞憶友何滿一思君別去餘音遠還從夢裡聞

二

閑孺芳年感秦青妙曲揚時二流容眄脉脉斷入腸
眉嫵誇京兆開園擬辟疆灞亭防醉尉莫作次公狂

送彭上舍暫還南雄

嶺外富瓊瑰嗟君卓犖才十年斷蓬梗一見惜蒿萊
澤豹且藏霧神魚曾作雷知君薄五斗臨路獨遲迴

二

憶得趨庭日相歡傾蓋時望雲俱已矣今雨一凄其
嶺路羊公碣邦人少女辭南歸逢父老為我寄相思

燕子磯月下同甌江

本自白鷗群磯前我共君
暗帆空裏度江溜靜中聞
倚檻呼明月長歌和白雲
區中有人事惆悵曙光分

二

吹笛上漁磯春風生荔衣
江山如昨日懷古思依依
斷壑浮烟合沅潮帶月歸
霸圖烏鵲在猶自向南飛

九日金華道中

欲送登高目秋懷可奈何
薊門新羽檄南國久兵戈
候雁風前急浮雲日下多
茱萸欲有贈江上正風波

送項鶴洞之金陵

天塹大江窮盤迴繞帝宮六朝驅霸迹千古奠岐豐
之子承家學茲遊覽國風錦囊隨笈去誰不羨才雄

二

元武逸堤平荷花鏡裡明首郎曾襟被欹枕夢平生
才首標仙界雞籠俯市聲山川應好在相送一含情

和沈青門旅中園居

拙宦成何事端居且避喧逢君青眼客時御綠蘿軒
阮籍祇長嘯孫登無一言芳春去已久兀在中園

二

漆縣數株樹青門五色瓜千秋遺勝事之子繼芳華

風日行為伴 雲山到是家
還持餐氣訣 留翫赤城霞

三

池上欲忘言 莓苔過雨痕
餘歡冷農圃 幽意托琴尊
去住身如寄 江湖道亦存
楚狂誰得喻 凡鳥任題門

四

沈約詩名久 芳園暫托棲
提壺山鳥下 揮麈夕陽低
時雨欣禾稼 春風動鼓鼙
看君優樂意 堪與魯連齊

五

問子樓何定 悠々出浦雲
曾邀遼海月 獨拜武夷君
夜氣藏元牝 雲書辨赤文
誰言居鄭圃 已覺離人羣

山澤誰真逸 天章爾大家 應知夢五色 曾是採三華
水檻游魚樂 風簾乳燕斜 淹留秋欲近 好去泛靈槎

江興

匹練一何妍 霏霏兩岸烟 水光天外接 棹影鏡中懸
小曙寒星去 春生海日圓 自知機事息 堪對白鷗眠

贈王相山督學

長江千里白波來 畫舸風輕五兩催 新雨曉看雷澤
漲 冰壺秋映洞庭開 洲前落月聞湘瑟 峽外飛雲見
楚臺 辭賦郢中應一變 漢家方重馬卿才

送張秋渠侍御清戎山東

才子乘春衣繡衣江鄉晝日淨生暉
新從天祿分經筭遠借兵符擢國威
道上漢祠黃石在日邊秦樹舊封微
懸知戎暇還絃誦齊魯諸生多在沂

江心寺閣限韻

莊嚴傑閣俯江流把酒臨風憶舊遊
歲月侵尋潮水去江山無恙白雲留
慈航倚郭人長濟雙樹凌空世總浮
幸有新知盈座上且同連雁聚寒洲

辛巳清明有述

老倦鄉園跡久蕪情殷春草恨難蘇
青山不與人俱

往流水還將歲並組盃飯未澆清淚迸壠烟初斷寸
心孤一年一度歸飛翼願比林間頭白鳥

甲戌七夕浪韻作是歲余有悼亡之感

靈匹經年悵有違佳期此夕儼相依蒼茫牛渚初捐
珮掩抑鴛文一下機總悵絨情新恨在針樓乞巧舊
人非悲歡轉首成凍迹明日橋邊鵲又飛

上水南張公

丈人經術早蜚聲漢代風流見馬卿獨綜雲篇成國
史遍題油素記方名芸香省寺疑天祿雲霧江門隱
歲精此日西賓成賦後定應留副向東京

上大司馬南川張公

周室三孤漢五更新辭講幄鎮留京中分二陝樞衡
建獨控千沅灞澹迎羽騎營間皆悅學諸生幕下總
知兵受元獨有侯芭拙每向春風媿發榮

和蔡白石金陵感興

金陵風物大江干澤國春朝御柳寒闕度玉珂臣禮
肅山封金鏐帝靈安至今潮水迴城郭猶憶鐘聲動
百官詞客閒居饒賦咏時人爭羨翠琅玕

憑虛閣用韻贈許石屋

雞鳴高閣帝城陰吳楚風烟入望深鬱鬱宮槐遮禁輦

路萋萋：春草動鄉心每依山月奉禪觀行近松風識
梵音為約遠公開社日祇今元度教來尋

徵兵

紛：羽檄遠徵兵壯士防秋上薊城吹笛盡為邊塞
曲搗衣無限夜闌情飛芻定復催秦餉細柳誰當結
漢營莫似范陽征戍久江南少婦總知耕

石屋招為天苑之遊不遂戲柬

久疑方朔是星精忽向王良閣道行天近露臺塵自
息寒輕溫室樹長生應窺桃園千年實曾聽銀河幾
曲聲此去定知迷所向還來簾肆訪君平

送鄭少野持憲湖南

攬轡送乘使者車子真聲價重璫璣湖南細雨隨龍
節邛上寒烟導隼旗行部已多投劾吏帝鄉新正墜
田書衡陽雁後來音少好向長江放鯉魚

送趙東臺赴廣西少恭

岳伯西征道路難故園亦在五羊灘浮湘舟楫隨天
遠度嶺星長向北看春日板輿迎近地還鄉旌節是
之官共言趙壁宜登廟暫為周家晏海瀾

送樊自齋守衡州

朱轡何處引離愁迴雁峰前舊楚州睥睨每占衡嶽

雨江齋時送木蘭舟閒隨謝眺青山屐靜聽巴人白
雪謳似道廉公來已暮政成還欲上書留

觀音閣限韻

葭美蒼：帶遠洲憑高一望使人愁帆閒吳楚亦差
出水接湘沅日夜流拊檻幾回傷逝客望鄉千里倦
登樓尺書欲向天南寄雙鯉隨波正北遊

二

落木紛：江上秋山川如故此重遊舊來釣侶今誰
在獨立傷神可自由浦溆雲生帆漠：兼葭風定水
悠：重來歲月還難問擬向青山老敬衰

用韻贈方厓侍御

煌煌執法下天樞，避馬行人滿路隅。
諫入早聞推五鹿，賦成還欲掩三都。
本朝故實搜金匱，南國人倫鏡玉壺。
共道休明無一事，惟君長自抱區區。

送趙方厓

薰風楊柳萬行斜，琴鶴依然伴使車。
上國治書新滿架，官河春水正宜槎。
青驄幾駐貧家竹，彩筆時分夢裡花。
君去王程如可緩，待余同翫赤城霞。

送謝與槐宮諫之台州

赤城曾是謝公遊，遷客還憐向北州。
仙籙早能披赤

篆吏情兼不廢丹邱劉郎洞口花凝綺
天姥峯前月映洲只似尋仙來海上
蓬瀛何減鳳池頭

九日同徐子登簫臺山

王子吹簫去不還千年遺跡寄空山
石潭動影秋雲白林岫迴風木葉斑
對酒共拚十日醉勞生長羨十洲閒
峰頭鸞鶴還堪馭便欲相隨出世間

二

辭家石室桐霞遠吏隱金門歲月深
春草幾回生客夢秋雲終日照閒心
林間不榻逢徐孺方外談經憶道林
無那黃花羞短髮吏情從此欲抽簪

出山

朝尋芳草入名山，明月十峯夜不關。
紅樹板扉仙犬護，碧天笙鶴羽人還。
石函寶字誰能讀，洞口漁舟許
更攀。數里回峰看不見，不知身已到人間。

次韻答孫少梅

歲晚山中客，到稀華門杖策咏斜暉。
欣逢錦字傳青鳥，開盡蘼花待白衣。
禪律轉令詩律細，道情應悟世情非。
石梁我亦尋真侶，懶惰無心向瑣墀。

二

雁山東望見靈峰，鳥道曾迴謝客踪。
萬丈丹梯傳日

馭八方金磬落天風
心隨猿鳥秋山遠
望入松雲暮靄重
何日芒蹊最高頂
蒲團秋月靜論空

三

靈巖精舍雁湖隈
杖屨曾隨迓照來
玉倚芙蓉天外直
繡圍屏障日邊開
溪雲窈窕通禪榻
池月蒼涼印劫灰
試向雙鸞問消息
羽人笙鶴幾時迴

四

詎那庵外記春遊
白日風雷暗古湫
半落銀河騰法雨
倒垂金界散浮漚
中冷茶熟分鴻漸
五色詩成擬惠休
最憶孫登鸞鳳嘯
天風吹滿雁湖秋

于少保墓和葉公韻

于公忠烈本朝無日下虞淵于自扶柱國獨持三尺
鐵當關曾却五單于長弘身後空留碧范蠡家移却
姓朱可嘆扁舟無處覓獨遺荒塚寄西湖

通玄觀贈鶴泉道士

香臺下瞰浙江流羽客聲名滿越州雨借墨池行黑
嫉江橫秋劔格黃牛迺逢上客時分榻為接仙人目
在樓一卷玉虛頭牛白沆泉飛鶴兩悠悠

贈東野醫士用韻

東來紫氣遶林閭為問幽人水竹居舍外虎收董奉

穀道旁蛇滿華沈車朝霞靜悟長生訣亦篆時翻石
洞書何日小車花不出文園來訪病相如

秋興八首用前人韻

蕭關八月早寒侵白草黃榆出塞深蕭：征鴻隨馬
足翻：虜騎傳城陰胡茄半落中宵淚漢月長懸戍
容心飛將幾時空漠北五原思婦罷秋砧

二

詔聞勺漏覓丹砂承露金莖峙漢家西極幾傳青鳥
翼東方三見碧桃花姮娥宮裏脩靈藥織女河邊候
海槎可是鼎湖功歛就小臣爭奉五雲車

三

南州桂樹早芳菲
植向龍池蔭瑣闈
玉露忽零青女
月滄江長負白鷗磯
平津舊邸秋辭燕
何滿新聲夜
濕衣正憶越王城
下路五湖烟雨片帆歸

四

細柳營開近鼎司
光分日月奉恩私
祿沾門下三千
士令決雲南十萬師
竇憲邀功虛勒石
子囊覆國更
增卑折膠虜氣羊
二在莫待邊風動樹枝

五

滄溟東枕赤城山
卉服狂倭敢入關
草木盡腥秋雨

裏烽烟不斷海雲間
倉皇紉袴收金甲
絡繹軍符扼玉環
惆悵犁鋤銷歿盡
五兵秋鍛未曾閒

六

蟋蟀虛堂鳴未休
豳風七月不勝秋
干戈滿地雲初擾
杼柚驚心火自流
草綠長城防牧馬
天青東國怨牽牛
江湖廊廟終何術
零落機心傍海鷗

七

少小辭家類轉蓬
誤隨執戟大明宮
苦瓜著樹三年別
菡萏緣堤十里紅
淮水浮雲今幾變
鍾山明月舊應同
誰家短笛秋無賴
吹入山陽涕淚中

閒居誰問子雲奇
五嶽追三繫我思心遠
天門凌日觀
夢飛仙掌翳雲芝
四愁其奈關梁隔
八極終身汗漫期
為報寰中希有鳥
秋風吾欲運天池

燕磯次文衡山韻

獨立危亭生紫烟
振衣千仞俯重淵
故憑橫笛吹山月
欲泛靈槎上碧天
孤嶼帆來千里外
百年身寄一杯前
可憐赤壁秋山色
更與亭三向客圓

渡淮

歲晏驅車淮水濱
元天凍野曠無垠
堤邊積雪高於

馬道上衝風寒殺人簇：層冰生毛氈幄迨：朔雁赴
蕭晨路難才弱知何濟虛忝雄關鎖鑰臣

易州城樓贈張戶曹耿水部

邊城高宴酒如澠畫省仙郎世並稱關內轉輸張計
相隍中積貯耿中丞黃牒飛軌師難飽白屋流亡歲
不登何限倚闌籌國意幾時麟閣附君升

寄贈俞子齋憲伯

豸衣龍節遠臨戎巨海南頭泛碧空禹貢山川行處
盡堯天風露到時同依山廳宇中流見橫道旌旗出
浪紅詎羨謝公帆赤石早聞宗慤慕長風

軍門張公平寇詩

戎衣一定百憂蠲，亞相勲名揭斗纏。
料敵總推燕國智，輸忠誰似曲江賢。
天清京觀依烏壘，春動蠻歌起柘廂。
南海卽看疆理畢，遙從虎拜祝堯年。

二

司勳好為出彤弓，當宇無勞咏大風。
自有長城當一面，祇憑尺箠策羣雄。
轅門已授名王首，部屋還憐赤子窮。
只似滎池戡亂日，身依大樹不言功。

贈王石川總戎

將軍談笑擁琯戈，山淨蠻烟海偃波。
紆策早聞擒日

逐洗兵今見挽天河閒調孤矢猿先泣畫敵轅門鳥
不遇星洞怕留客宴始知征虜雅能歌

謁徐孺子祠次韓中丞韻

矣季清標盛有人南州高士邁羣倫軼材不遺支頌
厦幽抱空知向角中事往千年還俎豆神傳三楚儼
儒紳束芻我到尋遺跡如意亭前草色春

二

最憐吾道在林臯滿袖蒼生卷赦袍自以伐檀勤稼
穡肯將衣馬競時豪碣梁地沮人俱遠林慮山深跡
並高獨怪徵君居自近弋人天外羨鴻毛

三

大德由來不在山廬居井飲傍人間一經郡榻名長
繫幾接乃旌意自閒卜地好同箕穎水拜恩不數鑑
湖灣中丞事業寰中滿每到孤亭不忍還

四

眼看蒼狗變雲衣却憶欖槍逼少微

故相之子嘗有
撤祠廣宅之議

始信羅含終有宅翻憐賀監早知幾茅亭側畔龍光
射畫棟前頭燕子飛人事古今成感慨三王祠列有
光輝

春暉樓晚望

樓俯春暉萬象融
滄波初上日輪紅
空濛池沼通花氣
繚繞川原送麥風
瓜擬東陵還自種
筠開北海莫教空
墨池夢草虛無裏
異日風流此亦同

春暉樓用韻酬黃南華

江山有待一官休
皂帽依違任白頭
草色總深元亮宅
月光先到庾公樓
林鳥傍母當筵起
花萼迎暉入戶流
為有故人傳郢曲
坐中長得白雲留

春暉樓用韻酬王華白

河陽別業久思歸
澤國鱸魚也自肥
樓起百花迎檻笑
池開鷗鳥近人飛
閒隨道侶裁春服
醉看兒曹着

舞衣篋裡賜金知有幾
深杯祇共故人揮

園樓送客後作

春暉在苒夏雲平
長日登臨共友生
雞犬千家山郭
暗帆檣一帶
夕陽明園棋坐
閱人間世
樽酒相携物
外情容散
幽林明月在
松風猶似
語言清

送張山人之金陵

九斗城西起曙鴉
分携寶劍贈張華
孤舟自仗書為
伴
杪威誰憐客是家
十載宦游空舊雨
六朝遺跡滿
樓霞
長卿貧困諸侯在
四日應看擁傳車

伯卿登春暉樓詩以訊之

樓倚春暉景色開
憐君此日陟崔巍
山城映雉窓中
出江塔浮空掌上
來夢草堂前
春欲動墨池坊外鳥
雙迴風流王謝今
十載且醉新年榘
夢杯

水亭枕上作

小亭聽雨雁池東
恍似江湖浪打篷
颯々洞庭催落
葉蕭々行浦逗
征鴻鷓鴣樓定
深林裏蝴蝶翻
飛短榻中何必
齋居稱畫舫由
來天地一飄蓬

春暉樓賓朋兄弟燕集

九斗城西桂樹深
八公聊嗣小山吟
久拚白髮隨黃
葉細引清尊對
碧峯谷口嚶鳴
三徑夕天邊鴻
序百

年心端居不覺長江險坐閱浮雲變古今

西湖曲

湖開玉鏡光菱靛綠羅裳隔浦迎風笑應知羞六郎

二

湖外兩峰開輕雲似楚臺盈正含睇片雨忽飛來

三

湖水澹不流湖船輕白鷗驚心復鷺目錯認大堤頭

四

可憐蘇小墓楊柳最長條猶自偷眉眼風前送舞腰

舟中聽梅文器彈琴追憶張甌江

鳴琴候月響
蘭皋苦憶高
陽詩酒豪
但取老兵堪
共飲不知騎
省是何曹

二

長安琴酒日清酣
應世誰憐不堪
今日西州門外
路潛然無語對
羊曇

三

冷：琴響一何悲
絃裏思人是何
誰流水高山徒
自好
九京無處覓鍾
期

四

風流公子本翩翩
愛客空糜薛縣
錢獨有雍門琴
尚

在不隨珠履散秋桐

五

別鶴離鴻見日難
珠琴黯淡若為彈
空思碧落迴仙馭
桂樹飄零月色寒

六

長安門巷歛張羅
世事悠々與逝波
擬奏湘靈思舜曲
九疑對面鬱嵯峨

七

舊游落々似琴星
鄰笛山陽不忍聽
月下廣陵彈一曲
酒壚寂々草青青

八

沅籍劉伶早閉關
冰懷詩句滿人間
空遺招隱淮南
曲零落當年大小山

九

長羊雷煥逐張華
寶劍雙不在家
今日携琴獨歸
去隴頭恨殺白楊花

十

處士西湖本愛梅
花三弄鶴鳴哀
人今已逐清風
去琴在空憐夜月徊

贈天台潘大尹

城臨姑射絢朝霞人吏蕭然到暮鴉寄謝河陽潘令
尹桑麻滿縣是若花

贈蔣環山持憲雲南

坤維開鑿自何年禹域西頭路八千聞道交州連百
粵肯從浪泊歎飛鳶

二

鳥語蠻歌夾禱迎身衣霜日照昆明君行但汲清侯
井壚壤金沙價總平

三

蠻夷爭拄拓城碑諸葛雄名宇宙垂今日天威非戰

伐渡瀘人迂漢官儀

四

五花遙憶萬人樓回首中原起四愁屏倚點蒼山似
畫光生西洱月為鈎

五

碧雜金馬對嶙峋漢使西來路未埋昭代祈靈遍方
嶽秦書應到黑天神

六

滇南流寓不堪聞寂寞邊陲
漢老子雲君到定知頻歷
履為傳邑也好元天

送周在山守臨洮

五馬蕭蕭朔氣愁一麾遙向海西頭
須知境上烏孫路更有班超萬里侯

二

聖主當陽守在邊西風不動玉門烟
北平太守威名遠祇向秋城聽管絃

三

本自幽并八郡豪讀書折節向詞曹
勅書特借西涼郡更與從容演六韜

題梅仙三絕卷重別少梅

逆旅相逢情自親
若為別去淚沾巾
可憐摩詰工辭賦
猶藉琵琶說國人

石梁

奔流萬里歎何歸
千仞危梁好振衣
虹影倒垂金澗
台雷聲長護玉龍飛

二

碧澗飛流跨玉梁
白雲西畔是金方
真人好闡瑤京
路我欲乘之朝玉皇

三

千山上與碧雲齊
深葦纔通鳥獸蹊
舊日劉郎何處

在桃花流水使人迷

四

老僧慣狎呂梁流
偏袒跏趺踞上頭
垂足三分仗忠
信空令流汗對商邱

五

飛梁疑與玉潢通
織女機絲在眼中
好借觀燈廣陵
市無須驅石海雲東

六

斷壑雲梁深復深
老僧迎笑似東林
天花亂落珠林
裡空水長流出世心

贈大廷尉趙方厓公北上

張組離亭春歛歸上林到日想芳菲
碧天萬里汎卿月執法一星朝紫微

二

湖海知名二十年銀黃垂綬始翩
才方賈誼還非少賦似相如別有元下

三

漢家止輦一何仁主聖偏多犯蹕人
霜重總知丹棘苦風迴先試綠楊春

四

方巖天畔倚崔嵬為雨為雲暢九垓
劍氣久知凌北斗履聲今已到中台

五

射策曾叨比舍郎悠々今日老馮唐
南州誰為題鸚鵡別路空知仰鳳皇

清人之好趙方厘公此上

欲想雖身亦秋節上林列日想亦非碧天美意直

月帆法一星朝微

二

遊

湖海知存二十生

得松谷德錄亦會

得兼觀已合院念

漢家何仁生聖

米家對空已恩大

心微合卦道謝瑞地

遊

甌雅卷

永嘉陳舜咨春堤纂訂

校刻

明

王

激

字子揚永嘉人嘉清癸未進士官至國子監祭酒著有鶴山集

對菊

菊花黃園林搖落悲象芳霜寒月苦不自愛風枝露
葉催羊先坐人見爾百憂集采擷東籬羅袖濕後時
不藉青皇恩獨與乾坤破蕭瑟菊花黃因秋雨人不
賞音花自許低頭不肯拜桃李尊前相對吾與汝

表宗喬回自武林談湖山之勝作詩贈之

西湖山水天下奇十年夢寐今見之湖邊招提三百
不一門戶登杖藜挑包賣藥返城市雲霞烟霧猶
在衣草堂時來慰幽獨笑語句一坐翠微尊前林壑
相縈鬱吞吐朝靄騰夕霏東山白酒熟甌水鱸魚肥
橙黃橘綠君不違共說遼東丁令威

送劉別駕遷辰州貳守

昔聞官清馬不肥今見官清無馬騎昔聞官清只布
被今見官清布易米以布易米還好施有官妻孥幾
凍餒六年甌土今辰州甌江行李寒颼々半刺翱翔

飯不足銅章黃綬將何求
薤鹽似蜜措大老辰州水
淡堪白頭羊拋造物甄陶外
不問丹砂如石榴洞庭
三月水浮天畫舫經行凌紫烟
中流濯足星斗動塵
心欲洗何冷然臨觴賦詩重歎息
夜半神遊逝空碧
翻鶴背紫霞衣玉簫吹應君山笛

谿居

山中雨過谿不渾
谿上釣船撐到門
鷗元鷺白堪幽
侶買魚沽酒足
晨昏沙渚分石齒
掉頭不肯入
城市世態何殊
堂策魚負心懶
決東西水溪邊
歲月何所營
羊布穀催人耕
一生懷抱向誰
盡東山月

白湖風清

天津待家兄不至

一別成春夢
帆檣何處津
斷鴻冥望眼
新月照孤身
客悶難忘酒
燈花亦誑人
夜壚灰漸冷
心折衛河濱

雄溪舟中

幽居十日閉茅堂
偶著綸巾問野芳
細雨斜風吹客
鬢白鷗鷺共湖光
華枝作旆村醪熟
土鼓迎神社
飯香小
詩成雲水暝
高歌擊柝和鳴榔

書懷

牆北牆南柳絮飄
困人白日正難消
小簷乍暖蜂脾

熟華屋新晴燕壘高
閉閣不妨浦酒債
登山祇恐失花朝
青錢去買穿雲屐
鷗鷺相期五里橋

文江晚泊

紅塵十日九馳驅
野次叢祠草半枯
滿地江湖雙鬢短
一村砧杵客心孤
天空遠浦雁聲寒
南枝集暝鳥
夢到東甌烟水濶
鱸魚正美酒堪沽

游白雲觀

幾年麋鹿與同遊
誤逐浮名遠故邱
古洞白雲憐獨賞
藥爐丹火只生愁
歸牛背上聞村笛
鳴鳩聲中報麥秋
莊子詩成多越調
鄉心長共水東流

雙湖卷

草綠沙明岸：春清流共照白綸中帆檣到處堪招
隱魚鳥忘機不避人雲密黃昏時作雨地偏白日總
無塵漁郎吹笛滄江上逢著桃花莫問津

峽江晚泊寄趙子雨

作更天涯路渺茫難邊負却菊花黃年光撚指身如
電容鬢經秋鏡有霜澗道梅香悲歲晚泥塗馬足為
誰忙清流不泛東歸棹落日烟波正斷腸

蕭灘晚泊

小艇衝風泊翠微隔溪茅屋閉柴扉尊前凍雨晚來

急沙上暝禽寒未歸衣敝更憐慈母遠官貧况乃故人稀
三年奔走天涯暮日斷滄江舊釣磯

送周思訓致仕歸郴州

魚鳥升沉只自憐文陽人去早春前長亭日暮風吹鬢
野水波寒雪滿船江上草堂空四壁天涯燈火又三年
子規聲裏瀟湘雨不到先生負郭田

聞笛

短笛誰家弄晚風幽樓况復雨聲中青山別後添愁鬢
白髮天涯倚暮筇岸柳枝寒春寂莫江梅魂斷月朦朧
孤眠今夜西窗夢定逐行雲滿浙東

歲暮至樂清長春道院舊館

十日紅塵九不甘
幽尋重過玉臺南
小門翠竹蒼松
老舊路青鞋布襪
諸作偶久違
雲外榻分燈
猶記佛前龕
龕詩莫謾誇
玉播經濟心
孤草木慙

移居白鶴書院叙懷

屋上青松屋下泉
紅塵暫了買山緣
一燈喜共妻孥
影十載長憐風雨
天春半寒庖除舊
穀村南社雨足
新田盤飧不問魚
蝦市法席新參玉
板禪

二

梅子青黃正日長
殘書滿案對爐香
草堂卧病半晴

雨海燕將雛來屋梁杖履忽：花信了乾坤潑：道
衣涼萬緣世上休多問傍舍新篁又出牆

高唐客夜

擊柝城頭聲漸稀
寔標霜月透寒輝
殘更欲盡不肯
盡游子思歸何日歸
落木蕭：人北去
朔雲黯：雁
南飛
鶴山花木春無度
留取春光照彩衣

元日

香暖梅風入絳帷
重門無事楫幽居
開尊拂曙迎新
歲掃地焚香讀舊書
黃閣追陪仙侶遠
青山歸卧故人疎
煮茶自解相如渴
習靜無心賦子虛

夜泊

鳥宿疎林息夜喧
寒溪流月澹無痕
可憐燈火天涯
夢風折霜鈴又一村

野航

客子舟中生事微
筆牀茶竈綠蓑衣
一聲短笛沙洲
晚江口無人鳥自飛

田家

江村茅屋熟新醅
山鳥自鳴花自開
童子蒸梨作春
社鄰翁拄杖過溪來

王

湖

字崇泗永嘉人
著有樵散集

晚過醉筠亭

振衣歷林莽落景正參差
遙霞有餘映飛蘿含碧滋
竹暝意逾靜鳥寒歸獨遲
吾生信有涯役々空爾為

二

晚憇托元宇爰茲幽事并
堦前萬竹靜簷下孤雲生
坐久形漸釋理愜情弗營
悠然悟真性永與塵世冥

山游效李青蓮

振策躡丹嶠絕迹宵難攀
飛流灑懸磴日出青松關
仙人把紫芝調笑雲之間
我卷以瑤草相期在歲闌

二

峭壁生紫霞
起景度虹梁
飛蘿下絕壑
風吹百丈長
積雪響瑤軫
灑我青羅裳
醉來撫白石
只恐化為羊
張羅山茅廉
將與計偕北
上通訪言別
詩以送之
江城着烟鳥
欲棲茅茨兩
邊雞亂啼滿
山落葉溪水
赤一客入戶
秋日低書聲
漸覺林薄寂
詩思遠與雲
霞迷賢才登
進我所欲江
上幾回聽馬
蹄

閒居

清溪花落雨
連村窮巷桑
根帶水痕返
照寒臯共籬
落前牽瀑布
對柴門逃名
漸覺遊少處
世元知靜者
尊張望瀛洲
芳草綠空令
回首憶王孫

歲暮憶王石泉

滄江風物晚依：鴻雁天寒各自飛
念別盈：一水外論交忽：六年餘
湖田野燒衝岡斷村巷殘
砧帶雨微尊酒相逢更何日
抱琴松下獨歎歎

與朱雁湖話舊時雁湖將北上

樵馬更深寂不譁座中行色帶京華
愁心遠道紫芳草別恨荒村遠
落花修竹暗連河影直寒江遙
揜斗杓斜明朝相望還南北
須記滄江舊釣槎

燕京留別張相公

五六年來同旅食八千里外話歸程
孤舟細雨短長

夢落日青山今古情野老有心朝北闕塞鴻何事復
南征故園此去逢秋獲簫鼓雞豚醉太平

送人之南工部

聖朝根本重南畿一代繁華百代稀山勢排雲龍虎
動樓臺過雨鳳凰飛花間綵仗趨丹陛樹裏香爐上
翠微仙侶經綸多盛事須君共補袞龍衣

寄題張甌江山中隱居

樓閣青瑩俯翠微仙郎暫此掩朱扉雨拋銀杏鶯猶
睡風搖米櫻燕不飛得由遠書青澗竹觀魚時上綠
楊磯芳尊莫盡登臨興南國征鴻便北歸

趙廷松字子後號侯齋樂清人嘉靖
癸未進士官至山西布政使

雁山夜坐

朝寒苑中蘭畏彼霜下歇
宵吟謝公詩清歌達明發
節換心屢驚年徂變元髮
溪水鳴巖瀨涼風響林樾
澗戶映疎星石梁橫天闕
空廬宜留人光景坐起忽
美人竟不來西林照殘月

陳

璽

字芝南樂清人嘉靖癸
未進士官至刑部侍郎

遊蕩北最高峰

幽尋來蕩北遐眺滿天東
海色浮元氣湖光照遠空
世途傷老馬吾道在冥鴻
此日陪蓮社長年任轉蓬

張

純字伯貞羅山相國從子嘉靖戊子舉人官南康守著有存思問錄東鄉集

贈仙巖意上人

勝裏空山尋舊跡諸天色相散晴霞一燈長照清虛界萬樹光含智慧花夜聞鐘磬龍宮寂曉歷霏微鳥道斜自笑紅塵摧白髮偏憐飛瀑灑袈裟

泛湖

遠峯列翠媚雲鬟雨後幽花滿日斑隔岸朱樓烟樹裏誰家玉笛夕陽間天光蕩漾酣華燕風景依稀似故山為憶西湖秋萬頃悠々畫舫未知還

項

喬

字遷之永嘉人嘉靖己丑進士官至廣東參政著有歐東私錄

送鄔南崖守青州

清風纔趁故人來
江上驚看彩鷁開
牛犢但令光渤
海墳荒何必共容臺
范公惠澤曾流醴
富相功名為
救災玉殿翠屏名
姓在肯教前古擅
奇才

項

壇

永嘉人嘉靖丁酉
舉人官萬全令

紫陽菴

桂鶴凌仙去
虛堂日下開
鉛龍飛寶鼎
玉樹聳瑤臺
洞引清風細
藤牽紫霧迴
我生無道骨
何自入蓬萊

王健

字偉純永嘉人嘉靖戊戌進士
歷官先祿寺少卿著有鶴泉集

玉女峰

鬱：雁蕩山乃在東海取 玉女窈高棲 茲石更深幽
水簾下瓔珞 香爐自烟浮 仙路坐相接 耿：銀河流
鳳凰既銜命 金鼎調瓊羞 王母來雲車 繽紛溘來游
天樂奏奇音 捲螺各献酬 龍不敢驅朝陽至 淹留
臨風贈靈藥 延年永千秋

送友

良辰餞我友 長鏡歸去來 請歌青玉案 贈別黃金臺
一鳥日邊下 片帆天際開 知君意不適 行矣重首回

謁陵

黃屋枕宮苑 青林鎖寂寥 地靈河嶽抱 天朗鬼神朝

露入金莖注，雲依玉樹飄。
鳳鸞聲轉杳，仙樂隔重霄。
秋日得友人書

落日金城萬木哀，
秣陵風色菊花開。
天邊一鶴孤頻唳，
海上雙魚遠自來。
秋水尚遲揚子棹，
暮雲漫上杜陵臺。
壯心夜看吳鉤在，
起引燈前濁酒杯。

憶戴霞山

千山落日獨登樓，
萬里歸雲正杪秋。
苦憶戴逵長刺曲，
却憐王粲尚荆州。
關河天遠金門夢，
城郭秋生玉笛愁。
客路莫疑霜雪重，
禦寒應有舊貂裘。

黃一鵬

字文振，號南華，永嘉人。嘉靖庚子舉人，除武寧令。

樂清尹玉婁江招飲沐簫泉亭

天際一亭開，雲間雙騎來。
欲尋仙子宅，共上沐簫臺。
階樹无含雨，巖花咲近杯。
山公俱酩酊，疑泛習池回。

再游仙巖寺

一溪通覺路，數里入香臺。
匝月人重到，何年洞始開。
瀑飛常作雨，潭響忽成雷。
跌坐孤亭夕，忘羊水上杯。

懷屏山家兄

括水維舟正落暉，天涯兄弟久相違。
山中虎豹應能變，原上鶴鷓還自飛。
湖海尚淹三歲字，風塵仍上九秋衣。
池塘春草年年綠，何事玉絲未肯歸。

池上見梅

春過梅梢盡放花
曲欄池畔影橫斜
一聲白鶴來何處
疑是西湖小隱家

王

使

字中白文定公
子官工部郎中

仙巖紀懷

昔登赤城峯
石梁亘截如青虹
捫蘿夜瞰海底日
蓬萊咫尺扶桑東
又嘗入雁蕩
龍湫際天濯
漭沅乘風長
嘯金霞端
萬壑千崖遞清響
竭來扁舟何所之
仙巖試躡青雲梯
懸崖峭壁幾千尺
空中恍惚聞天雞
三皇古井宛如昨
秦人洞口桃花迷
瀑布晴飛赤壁雪

銀河倒瀉地軸折初若流電掣金蛇翻疑玉龍躍寥
次烟嵐變幻鎖蒼巖彷彿瑤景五雲闕涉層嶺兮目
眩狎瓊波兮仙媛穿窈窕兮豁研眇天光兮一線扣
雲扃兮天忽開清潭白日轟迅雷虎嘯熊咆川谷暝
坐俯久而復徘徊塵世流光疾如矢齷齪浮榮何足
擬托跡烟波總姓名狂奴懶揖漢天子物外逍遙養
性靈吾生原是少微星五嶽三山遊覽遍跨鶴騎鸞
歸紫冥

黃

璫

字蘊和號大羅山人少保文
簡公之孫官至大理寺丞

東山草堂圖為趙東山題

草堂虛敞依青嶂門迎遠迤蔭綠莎華蓋雨來雲拂
戶墨池春暖水生波書攤清晝鳥聲碎簾捲晚風林
影多今日長楊初賦未應回首憶桐蘿

夏日偶成

睡起南窓日未斜自籠紗帽煮新茶閒齋幾日無人
到開遍庭槐一樹花

陳

杖

字特嘉號后溪少司寇者齋
公子以蔭補光祿署正

秋夜宿龍湫古寺贈主僧

絕壁俯寒湫禪房一徑幽山空涼露下天近火星流
水壯蛟龍氣風高鷺雁秋况逢連社日得與遠公遊

李經勅 字明典樂清人
號後峯山人

西山碧雲寺

共有清秋約來奉白社禪
雲霞連御闕樓閣上諸天
衣濕曇花雨心清玉澗泉
石床因坐久孤思欲騰鸞

飲仙溪草堂

溪上晴雲淡不飛溪頭楊柳故依依
園林變色櫻桃熟時序無言燕子歸
山簡未妨回夜馬杜陵何用典
春衣况逢海上干戈日直欲誅茅共息機

汲古堂集鄉先生趙方伯朱太守和諸詩入集外雲莊後奉
與焉共賦飲仙溪草堂詩用歸字韻後峯詩先成云：諸公

咸為欄筆

上文衡山先生

白髮前朝老史臣掛冠高卧草堂春即看天上歸星
象更遣人間識鳳麟杜老不妨能潦倒右軍本自出
風塵十年湖海迷途客願得相從一問津

章朝鳳

字南岡 太宗伯恭毅公之孫
嘉靖甲辰進士官廣西參議

龍整軒

露下看牛斗陰毛骨清霜寒山鬼泣風細玉河明
孤亭懸夜榻萬籟送秋聲
憶几談元罷山頭新月生

孫

昭

字明德 永嘉人 嘉靖甲辰進士官雲南監察御史
按陝西河南等道 著有斗城集

憶趙竹川

苦憶竹川子 新橋移小舟
蟹螯樽酒暮 菰米石塘秋
涉嶠雲連屐 歸城月滿樓
相思吳楚隔 烟水自悠悠
衛河雨漲 示同舟者東泉

衛漳萬里接河流 雨漲偏驚逆浪舟
客裏孤蓬知有夜 田間高黍已無秋
龜鼉忽見波无圻 日月蒼茫天
際浮 獨對寒江思禹蹟 暮雲北望更堪愁

送吳中河考最復南京任

風塵滾滾馬頭來 邂逅逢君懷抱開
製作喜留鸚鵡賦 賢聲久著鳳皇臺
后湖藉草花邊騎 鐘阜行厨竹裏杯
一自永和傳勝會 清時應復屬羣才

高凌立春

春日驚看飛雪繁
絮袍中夜覺全溫
君門萬里椒花頌
容路孤燈桑落尊
斷甃碑沉蒼蘚潤
流河冰動白鱗翻
故園菜甲依籬槿
羞對春盤思轉煩

朱邦彥

字民章永嘉人嘉靖歲貢任延平教授

筠莊為高別駕賦

風梢露穉秋颺
：昔年剡溪王子
猷琅玕千畝
卷溪
水溪光不亂
秋長浮山陰
夜半雪壓竹
為渠便作凌
波游當時只
解訪安道
即今此興空
溪流君疾自
是江南彥尺
符枉佐非雄
州訟庭日靜
馴鳥在湘江
渭

川紛在眸

邵武道中

石磴懸巖一線通
肩輿和雨度千峰
不知甌曲花前
信次迺春來第幾風

二

雙蓬南下帶溪流
野鳥鳴時雨乍收
雲白山青三百
里歸心不獨劔溪頭

婁

恪

永嘉人嘉靖歲貢任太倉州訓導著有青山集

送狄思道之華亭

送別春江上
悠々江水深
故人千里客
吾黨百年心

白日王喬鳥清風宓子琴相期尊酒在遙望九峰陰
送繆道士歸昆陽

山陰有羽客偶向帝京遊邂逅傳來信倉皇覓去舟
雁聲殘月夜江影亂帆秋誰共餐霞子談元到海陬

王叔果

字育德號西華永嘉人嘉靖庚戌進士
歷官廣東按察司副使者有半山集

望京城

驢背春風峭林端曉月明凍消塵不動天迥雁聯征
日耀雙龍劍雲垂五鳳城長安知不遠攬轡欲澄清

送座主翰林閔公督學山西

幾年簪筆侍明光乍奉天書向晉陽雅望久知歸董

馬遺風應及見陶唐文旌遙指龍門道繡服猶沾鳳
署香悵憶春風方倚坐不堪回首限河梁

送鄭晴川南歸

結束吳鉤出帝鄉飄飄仙旆帶恩光雲橫苑樹頻回
首酒在河橋好盡觴曉日江蒲迎在舫秋風海錯集
魚梁羨君歸泛晴川上簫鼓中流樂未央

村居卽事

天上風雲變態殊山中歲月竟何如但聞魏絳和我
策誰草玉符爰日書別院青春來舊燕近郊綠樹帶
新畬投閒老矣無他念日向溪邊看釣魚

答渭川宗弟

高卧雲林四十春，行歌時岸白綸。
山中共擬庚桑楚，谷口重逢鄭子真。
自分筭莢長作伴，漫言天子不能臣。
竹林二沈原同調，放達乾坤任此身。

茅山紀游十二韻

福地烟霞古，丹邱日月偏。
焚脩通上國，巨麗冠諸天。
雲壘三峰秀，屋傾一徑懸。
貝宮浮瑞靄，芳沼濺珠泉。
洞逸燒丹竈，汗遺種术田。
真詮不可問，靈跡尚依然。
元鶴空中舉，斑虬象外騫。
銀床虛抱月，玉壘靜生烟。
仙樂臨風奏，芝絨濯露鮮。
陰霏瞻壑動，複磴躡雲旋。

振策窮幽勝 摳衣禮上元 試歌招急曲 聊續遠遊篇

王叔本

字立德 永嘉人 國學生 以父沛 落鴈 署丞

江心避暑

追涼來古寺 露頂坐蒲團 雲散諸天淨 江空六月寒
叢林開雪竇 曲檻落風湍 一入清涼界 頓令心境寬

送項季與遊吳

信美通家序 修名早已殊 高懷傾四海 遊興滿三吳
鳥去烟光暝 帆飛雲影孤 王孫江上路 回首盡蘼蕪

靈峰洞

洞天虛敞淨 烟氛望裡諸 峯秀不羣翠 壁玲瓏含旭

日丹梯峻絕挂晴雲隔林霞彩空中變近寺鐘聲象
外聞欲駐顏齡問棲隱千年石髓若為分

張鳴鸞

字仲儀羅山相國從孫南康太守伯
貞之子嘉靖乙卯舉人授宜陽教諭

孤嶼謁文文山先生祠

回首中原盡寂寥還將駝棘認前朝龍翔無復千官
集甌海空來半夜潮杜宇聲悲落月孤航去逐
輕颺獨留風節昭青史正氣於今在九霄

林宗教

字希導永嘉人嘉靖戊
午舉人官貴陽通判

澄鮮閣懷古

松老祠宮裊兔絲南枝不改撼風悲睢陽力盡還為

屬諸葛身殲欲報誰江海朝宗如有意汗枕回首悵
無期洲前蘋藻秋堪薦淚灑當年記事碑

按此詩全為文文山先生而發然考澄鮮閣舊址實在西塔之下而久祠在東院不相連屬不知何以專吊南宋也玩首語當是謁文相祠乃題目傳寫之謬耳

王光蘊

字季宣副使西華公子嘉靖辛酉舉人官寧國同知

憑虛閣宴集

宮堯傑閣俯瑤京碧樹飛甍拂曙清縹緲丹青天外
台空濛蒼翠坐中明塵起萬劫開龍藏雲起三山繞
鳳城日暮凭闌共仙侶却疑身世是蓬瀛

道中憶橫塘讀書處寄雁川叔祖

幾年散跡林塘幽，明月溪南一釣舟。
別來客路渺清夢，望入滄波生遠愁。
桐雨宛如摩詰畫，雲山故繞仲宣樓。
江湖到處可乘興，極點新詩寄我不。

章九儀

字可象恭
毅公之孫

書白馬寺壁

久住山中寺，烟霞聽主張。
乾坤皆寓舍，邱壑豈吾鄉。
蘿月禪心定，松風客夢涼。
題詩謝山后，高興薄穹蒼。

題畫

抱膝看雲坐，石床瀑聲飛。
近意先涼山，靈不掌桐霞。
桐付與詩家自主張。

題小景

屋上青山屋下泉
屋頭芳樹淨如烟
世間有景真如此
我欲移家住幾年

二

布颿隨雁落寒汀
灑面涼風薄酒醒
茅屋幾村人不見
淡烟疎雨一山青

趙祖冬

字成夫號鶴溪永嘉諸生

竹川別墅為金濬德題

竹川溶澗漾寒綠
川上茅堂幾時築
石縫陰凝翠粉香
蒲團畫靜青虫落
主人愛此行且吟
青鞋踏破蒼

苔深風來忽作環珮響何啻熱耳釣天音有時擘舟
弄清泚沙鳥忘機不飛起白魚釣得竹枝穿自向床
頭開綠蟻我來村南大沆莊登樓對此心即狂所聞
終不如所見便乘夜雪山陰航

謝公亭

謝公今不作亭植大江心事往青山在盟寒白鳥沉
古碑摩水影高樹落春陰登眺斜陽外長歌慨古今

寫懷

納三身如寄尊前按劍歌雨墻低覆竹風澗細搖波
歲閏逢寒早年登得醉多清時當自勉未許問漁蓑

淨社寺

生薑門外古城隅，小寺黃茅只一區。
僧為畫閒眠似死，客因詩惱坐如懸。
風階掃葉堆還散，烟際看山有若無。
休道夕陽依欲墜，笑呼明月照歸途。

王應辰

字拱甫，號海壇，永嘉人。嘉靖歲貢，授上海訓導。

清虛樓小憩

兜率何年寺，春風兩度遊。
覺花明寶樹，法雨灌靈湫。
徑轉聞松籟，溪迴見惠州。
繩床倘可借，信宿上方樓。

園居

喬木寄青石，名園帶紫畦。
花知隨意發，鳥欲向人啼。

砌影風前竹池光雨後霓坐來自忘去非是武陵迷

答戴錦衣

早謁麒麟殿曾諸龍虎韜馬嘶燕草細鷗落朔雲高
結客傾瓊醕逢人脫寶刀仍聞宮直暇詞賦振風騷

憑虛閣

落日憑虛閣盤徊一散襟丹青存古壁鐘梵出喬林
楚曠人相簇天空鳥嶼深白雲何處起偏動越鄉心

春日登昆盧閣

佛閣岑堯接帝京振衣四望敞春明九關車馬臨芳
甸萬井烟花繞禁城地迥綺流還月色天低銀漢自

風聲瞻雲不盡思親意聆梵空遺出世情

項日葵

字戴陽樂
清諸生

同葉義琢宿靈巖

十年結得此青山一度花開一往還湖頂有雲生絕
壑禪關無夢到塵寰雨餘石洞邀龍宿月上松林趁
鶴閒遠曙酣歌君莫訝明朝身已落人間

再至雁山

三十年前湖上霞有僧採綴繡袈裟只今僧與霞飛
去惟有湖雲管藕花

邱一龍

字義瑞號兩川瑞安
人世襲沙園所百戶

雪中江心卽事

百里潮平塔影雙
羅浮飛翠上油幢
一天雪意雲連海
兩岸梅花春渡江
伏水蛟龍聽畫角
避寒鷗鷺倚蓬窗
漫言此夕掄元濟
九首天吳亦就降

吳人凌公洋山東憲駐東甌雅聞雨川善詩時雨川尚從事戎行公一日出祖他監司鹵簿駐江心寺四山積雪因命雨川賦詩限江字韻雨川率口吟此詩以進公大積賞浮以大白

呈某觀察

金風吹破舊曇花
石室分泉自煮茶
絲盡已知蠶欲老
竹殘還喜笋初芽
瓠瓜秋後終難繫
土藕春深未足誇
革故鼎新身合退
木奴洲畔繼歸槎

兩川久以旗牌官逐：班行中心甚厭苦之乃白觀察蔡請以
子代觀蔡未之許也兩川請之堅觀察命作一律每句以
八音一字冠首詩成方聽遂其志兩川
俄頃獻詩觀蔡嘆賞乃聽解職

劉懋功

字忠文永嘉人
著有紫芝館集

日出東南隅

日出東南隅照我秦氏樓羅敷年十五採桑南陌頭
盈：妬秋水炯：凝雙眸綵霞夾綺綺純較交綢繆
避人還歛跡未語先嬌羞使君何方來停鞭為遲留
如龍五花馬五馬五諧侯賤妾自有夫使君何用求
天地有大義匹鳥依河洲蠶飢妾欲去春風從悠：

塘上行

幽蘭出深石，芳香可人意。
菖蒲生淺池，離：有佳思。
春風乃敷榮，秋風且妬忌。
慮年為盛衰，感時成捐弃。
三春蒲柳姿，一掬傷心淚。
紅顏不久長，白頭事良易。
願君貴素心，素心寧棄置。

相逢行

白馬黃金鞭，躑躅垂楊邊。
相逢大堤上，餘光浮紫烟。
左挾趙女瑟，右憑齊妹肩。
嬌歌白日緩，倚醉春風偏。
不博酣顧盼，俠游爭豪賢。
薄暮歸倡樓，燈火直燭天。
相逢不敢問，笑顧雙飛鳧。

白頭吟

決絕復決絕 恩情那久結 君心如楊花 因風落誰家
今日斗酒會 明朝東復西 君情與妾意 似隔千重谿
飛雲思故山 游魚思故淵 新人既可念 故人猶可憐
團扇雖紈潔 其若秋風何 棄置乃常理 碧海無迴波
莫歌白頭吟 歌來愁人心 落葉隨風飄 一花泣故林

石門洞

下

獨行恣幽討 聊以窮耳目 夕陰薄空山 昏嵐出深谷
斜暉映澤蘭 涼風入修竹 荒樾隔斷崖 天門落飛瀑
浮沫散珠璣 奔流震林麓 謝公故所營 殘碑草間宿
遂令軒轅邱 迷離走麋鹿 靈區渺莫窮 何處居可卜

行于曲徑間漱泉吸秋菊

月出

月出東城隅清光何蕭森
淒風生夜色空雲結寒陰
坐久聞天籟天地生清音
戚々不自得窮愁誰淺深
悠然念真性明月照我心

仙壇歌

有序

玉昭夏讀書仙壇山中因別號仙壇問歌於劉
子劉子曰爾用世者仙遺世者安事夫仙昭夏
曰名之以仙有待也夫軒冕寧妾蛻哉劉子曰
誠然可以語仙矣遂為歌之

永嘉古稱山水區勝甲東南甌粵無日月兩丸從跳
躍滄海萬里來奔趨風烟每二射山鬼蛟龍忽二駟
天吳上有次臺轟雲接蓬島下有六羅砥柱連封嶼
上下綿亘幾千里幻出仙壇如仙都瓊枝瑤草秀而
野紫霞甘露味且腴芝田丹竈伏靈秘啜菽飲水若
醍醐結廬其中王郎子神清氣爽美丈夫者得論衡
自珍秘賦就登樓還胡盧氣凌塵俗事之厭雅言析
理入之殊既能推轂貧賤士况復愛吾高陽徒三年
醉君蒲萄酒寸心驕爾青驪駒今人紛之事崖壑君
乃挺秀居孤蘆王郎子吾邀君家子為次玉簫共誇

九苞之鳳雛御風踞爾仙壇上頤指列真如驅奴王
郎子爾莫笑吾迂劉根紫髯神瞿：功成事竟拂衣
去與爾遊遨於天衢顧視九州諸僨父累：羸一血
肉軀

古長相思行

我思美人隔漢陽九疑日出烟蒼：望而不見心欲
絕空留雜珮蘭茝香行雲行雨朝復暮無情有情誰
之故哀狄飢飈深樹啼千秋神絕高唐賦

野田黃雀行

野田黃雀毋遠飛：苦網羅棲苦飢蕭：短翮蓬蒿

下噉三黃口將雛歸鷓鴣翻翔莫相笑斥鴳上下空
是非但令野田有遺穗長爾一身生計微

歸途雜感

日出游絲遶樹飛遙三倉雨濕征衣晚稷新釀家口
酒耐可天涯十月歸

二

柳葉初黃柏葉紅牛羊門卷暮烟中牧童歸卧清溪
月簾笠蕭蕭蔽晚風

三

山館挑燈倍黯然客愁零落不成眠且拚濁酒供他

醉寒雨淒風轉自憐

四

輕嵐漠漠曙光寒游食歸來笑鵝冠除却二三兄弟

外蕭蕭長鈇向誰彈

康從理

字裕卿號晚山永嘉布衣著有二雁山人集

靜志居詩話裕卿任俠談兵間關戎幕劉將軍子高是蘇昆凌病革裕卿馳赴與訣經紀其喪扶其柩至武林遠近皆義之居燕借齋惟故輩遊西山其唱和詩僅存餘多散佚太倉曹子念以而刻之

劉忠父招集覽勝樓同歐經季羅敬叔

城帶飛樓迴壺觴感故情山寒衝日紫沙白映江清

楚雪篇二細巫雲片二輕驚心傷舊別握手話燕京

與胡元瑞夜話

地僻沉更漏
燈花喜對君
衰遲翻有托
神秀本無羣
六翮排青漢
孤踪傲白雲
不眠銷病色
擊節子虛文
穀雨得所仲
仁楚中書并
新刻却寄

澗水春鴻度
遙將楚澤音
有歌皆白雪
無字不黃金
歲月緣愁過
江山與淚深
休論燕市筑
飄泊奉同心

丁丑除夕

歲盡天涯夜
悲歌倚蒯緱
路因難更苦
身傍老偏愁
濁酒衣能換
朱顏鏡不留
十年湖海寄
飄泊浪成遊

江行有懷社中諸友

扁舟投落日遙夜楚江隅
月上寒潮靜燈依野岸孤
馳驅悲斷雁牢落愧棲鳥
一灑并州淚東流入舊都

歲暮泛彭蠡

曠望極平川遙心自黯然
空烟疑有地遠浪不分天
暮色孤帆外寒聲落雁邊
年催長路客歸思倍堪憐

舟中哭朱海峯

旅食悲妻子孤裝執軌行
諾曾然夙昔心豈隔幽明
角傍寒城語濤兼夜雨聲
間關千里道君見死生情

觀音閣

古寺夕陽邊憑虛思渺然
江聲猶楚恨山色自吳年

宿鳥回清磬孤舟逗野烟長廊燈影寂徐步禮金仙
曲池草堂和韻為項思堯賦

地臨滄海勝門向謝山偏養晦非忘世銷年祇尚元
松寒地月早花艷得春先且漫論高卧知君在呂虔

再至京口有懷金焦舊游

層城舒遠目迢遞送歸鴻歲月更新籥江山憶舊蹤
鐘聲春浪靜燈影暮流空魏有東林約無因問遠公

同王必漸言懷

江頭木落雁初飛客子傷心賦授衣鄉夢不緣千里
隔浪遊空說半生非雲山是處堪招隱塵海何年可

息機漫向天涯愁極目幽懷已負北山薇

懷顧太學

登樓風雨暮蕭蕭
久客離魂黯欲消
楚樹吳雲春寂
寞塞鴻江燕歲
迢迢新愁芳草天
涯路舊事梅花月
下簫今日分飛悲
萬里憑闌搔首思
無聊

送陳京兆致政還白下

挂冠東去共稱賢
天外浮雲意渺然
不是逢萌因世
難祇緣宏景嗜神
仙琴中白雪驚人
調江上青山負
郭田無限長干荒
柳色春風不乏杖
頭錢

登燕子磯

雨迺長林翠濕衣澄江迢遞隱靈扉
濤衝絕壁看疑墮雲擁危闌思欲飛
卓樹依微分楚甸樓臺掩映遶吳畿
憑高目盡歸鴻外千古閒愁對落暉

金臺懷古

高臺風急影蕭蕭十載長安短髮凋
白壁幾人逢趙孝黃金此地憶燕昭
霜含落日龍沙靜草蔓荒原駿骨銷
莫問談天人已盡雲中碣石自朝朝

冬日王司馬唐比部攜酒過余薛蘿館分韻得

秋字

荒亭高卧白雲幽三徑漸君並馬游
玉墀似分仙掌

露黃花不冷，帝京秋琴書。密坐疑星聚，鐘漏頻催傍。
月愁倘念林扉塵土外，相遇重為薛蘿留。

秋夜同黃孔昭朱汝脩 二山湯開之李長倩

集惟寅白雲山房得盟字

黃花無恙玉尊清，海內新知此夜并。燈簇瓊枝秋並
麗，烟浮仙掌月孤明。荷衣未老青山色，彩筆爭高白
雪名。細語何妨宵已盡，天涯難得是同盟。

送司武選奉使還荊州

山川雄勝古荊州，驛路千花照錦裘。負弩競窺司馬
節，揮毫重上仲宣樓。寰中雨色來巫峽，閣外江聲繞

帝邱總是故園春，可戀莫忘鳴佩鳳池頭。

諸君適余薜蘿館得家字

春寒未放上林花，詞客相尋興亦嘉。豈謂蓬蒿非蔣
徑，敢云蘭菊是羅家。山疑入座青還滴，鳥解窺人巧
自誇。翻笑風塵車馬除，能將薜蘿駐烟霞。

送袁文石還黃巖

都亭新柳挂春烟，再覩雙鳧去日邊。路入輿公題賦
地名高，漢主賜金羊。晴山夾座明霞映，霽月窺簾碧
海懸。萬樹桃花□製錦，閒心贏得試朱絃。

寄戴梧臺太守

封書遙寄楚雲西
目盡天南望欲迷
碧遶城闌漳水曲
青銜齋閣大庾低
琴中白雪音稀和
夢裡春蘭葉漸齊
却憶燕京花月在
勝遊何日酒同攜

龍興寺對月懷故山

逕裡歸雲漸欲平
獨行風物最宜情
秋將城柝聲俱斷
月與禪林色倍清
江漢儘堪容散髮
薜蘿元不繫浮名
山中猿鶴應相待
知向西巖此夜鳴

二

長缺羞將出舊谿
關河三月雁書迷
歌邊白髮愁衰鏡
夢裡青山憶杖藜
一步風波皆畏路
但歸薜蘿是

安棲怕飢亦慣妻孥色消得乾坤絕鼓鼙

寄陳玉叔學憲

絳帳春馳擁俊髦使星朗照蜀峯高
琴歌冷映岷山雪賦筆雄翻灑瀨
濤攬秀風雲扶蠟屐懷人書札問
綈袍相思可奈林中客蘿薜深居夢益勞

別胡元瑞

故人分手最傷心灑淚非關鮑叔金匣劍會知龍易
合緘書應恠鶴難尋無端金馬堪棲道却愛青山自
古今一片甌江清夜雪相思不馮刺溪深

孤嶼寒潮

寒潮送帝海門秋鰲背孤懸佛刹幽翠作峯巒環雉
堞金為樓閣麗蓬邱魚龍水靜鐘聲出星月江空塔
影浮蘆是東南名勝地遲君歸接謝公遊

洪孝先

字從周號霍山永嘉人著有操舟集

擬古

燕京有高臺二荒空碣留南市多高樓二高思婦愁
良人不解事輕生好長遊黃金日不足揮霍裝刀頭
行期春暮歸候忽違三秋錦帳照新月空挂珊瑚鉤
膏悲遠入秦還家敵貂裘

題張氏海山凝望樓

入山不在深，適意殊舉足。蹈海不必遠，于焉聊寓目。
樓高心事幽，况復凌清秋。明月欲出孤，鳥沒烟靄滿。
林天際浮。

登慈姥磯

刻木何羊事，山當此地靈。雲橫千嶂碧，樹隱亂帆青。
鳥語憐同調，漁歌慰獨醒。林風易昏黑，搔首歎沉冥。

登金山望京口

江上山仍峙，憑凌海鶴還。半空迴鷲嶺，翹首失龍關。
天地成吾老，烟霞好自閒。遙將渡京口，趺坐慰愁顏。

張嶠峽開府同余同麓司成馮益川憲副楊書

臺文學登燕子磯

簫鼓樓船出上流
攀緣高躡翠巖幽
江亭自挹三山勝
客騎仍追六代遊
來岸帆檣廻夕浦
中天日月見滄洲
停杯欲向磯邊卧
時聽濤聲過石頭

金陵與周雁川話舊

倦彈長鋏負年華
共對琴尊惜聚沙
千里鄉心貧有妹
十年生計客無家
黃金浪說燕昭館
白髮還嗔食荻
水霞盡道新詩
君獨細轉憐椽筆
爛生花

遇燕子磯懷余同麓張居峽二丈

建業千峰對曉霞
輕舟如葉浪飛花
龍關日繞孤亭

勝燕子雲生萬木斜遠水征鴻愁裏鏡亂山衰草夢
中家徘徊忽憶橋門月飄泊難同博望槎

奉贈龔春所憲副閱武海上

石畫西江舊著聲越山榛莽近知名天連畫戟如霜
肅人倚水壺並月明星逐雁行仍列陣柳標魚麗故
開營風威已破諸夷膽肯信潢池解弄兵

奉壽王竹巖先生

朱帷白簡自森羅抗疏如君總未多九斗星精推大
隱百年真際悟恒河蒲東海若風雷振燹道塵氛雨

露雨

先生書心騰豎河
東嶼撫雲貴

眼底才人皆後進聲名誰不藉

常何

張

昭

字叔麈號元海永嘉人隆慶戊辰歲貢官廣德州倅

贈張白門

帝里稱名逸
偷然水竹家
嵐光團野榻
鳥跡印江沙
石室千秋草
春畦五色瓜
鷄衣吾道在
寂歷謝聲華

泊上新河

二月金陵道
三秋白雁天
霜華侵客鬢
風色淡江烟
牢落還家夢
迢遙上瀨船
故園渺何許
猿鶴暗相憐

渡彭象

石鐘山畔亘長湖
雲抹匡廬半有無
萬里波光涵碧

落一江風色控蒼梧舟橫中渚崑崙小劍倚龍宮海
空孤不信頻霞生掌上青天背負迢遼壺

贈洪霍山徵君

四海希聲識大音却從里耳得追尋倦遊初返龍門
轍懷玉長懸老氏心悟入風幡應自寂言忘桃李祇
成陰問奇我亦生平癖贏得元文掌上臨

陳

挺

號筠川
瑞安人

通高錄事故址

寂寞前朝事傷心可奈何石苔人跡少江草雨聲多

王良心

字性德永嘉人隆慶辛未進士
授增城令擢兵科給事中

遊仙巖

翠微環繞帶青霞
路入仙源境自佳
曲澗傳盃通法水
叢林卓錫散天花
鐘聲度壑風生樹
塔影凌空月印沙
無限幽懷何所寄
卜棲擬傍遠公家

黃一莊

字文強永嘉人隆慶辛未歲貢任武義訓導

春暮同社載酒山亭

共有山林癖因之載酒通
春光餘日少花氣襲人多
嘉會誠難得為歡能幾何
願言堅夙約遇景莫蹉跎

蔡汝修

字宇德瑞安諸生著有玉崖齋近稿

子夜吳歌

郎上江上船妾登江上樓目迷孤帆遠心逐江水流
解一郎心為妾少妾心為郎多憶郎有萬語見郎非向
無二解郎去渾不覺妾眉長自顰誰知魂夢裡猶得話
慇懃三相思為郎苦妾心無奈何清曉開鸞鏡容顏
不似初四解小鶯啼不歇妾起開窓紗東風太作惡吹
折檻前花五解落花不上樹逝水無回川年少郎不惜
白首空自憐六解早蠶自作繭懸絲巧相並妾心好似
蠶到死絲方盡七解永夜守孤幃疎標月初到願郎心
似月千里長相照八解

虞書

字郎中瑞安人隆慶歲貢任
淮安經歷著有紫山吟稿

閨情集

芳草萋萋春復春

謝應芳

每回一首即長顰

李羣玉

玉纖

彈盡東風淚

楊廉夫

閒看人間得意人

羅隱

王繼明

字用晦號省菴永嘉人萬曆甲戌進士歷官按察司副使

贈徐劍石之任王府官

無可留君任須傾酒一杯江山增感慨風月重徘徊

岸柳隨帆掃巖花向石開藩王多好士應羨曳裾來

秋夜同友人飲彬娥樓中

仙郎結伴訪天台月色花香共舉杯不信青娥憐白

髮夜深笑綰綠雲來

張汝紀

字仲理，號太衡，羅山相國之孫。

宿巴東館

暫憇巴東館，驅馳春暮天。
人家蒼嶺半，麥壠白雲邊。
夜靜江聲急，山迴月色懸。
停杯問郵吏，明日是西川。

泛湖遲鄭可貞不至

幽意愜芳汀，蘭舟破綠萍。
湖光千頃碧，山色萬重青。
醴酒殷勤設，漁歌款款聽。
有懷人不見，春樹暮雲停。

沈小霞召入比部却寄

三年作宦隔天涯，忍報雙鳧入鳳池。
楊柳碧連青瑣闥，梅花香染白雲司。
東園媿擬張衡賦，南國爭傳沈

約詩萬里星河明月夜一封隨雁寄相思

贈曹子念兼柬王鳳洲中丞

長安傾蓋得論文歲晏山城復見君秋色盡歸青玉案仙踪都與白鷗羣一尊醉憶燕臺月千里竒探雁宕雲漫向義康道幽僻負薪十載尚無聞

泊石頭城

扁舟夜泊石頭城一片鄉心對月明短榻正懸游子夢疎鐘忽度隔江聲丹陽古渡連雲暗瓜步春潮帶雨生自笑為郎依漢闕十年始得問歸程

秋日黃魁宇參戎招陪劉陰明使君遊仙巖

一入靈區遠世氛
諸天裊々散爐熏
峰頭積翠千尋落
樹杪飛泉百道分
夾岸芙蓉酬夕照
曲池杯棹泛春雲
使君元是神仙侶
兩袖長攜玉笈文

渡彭城

片帆遙掛海天秋
風雨蕭々暗驛樓
歲月易消王霸業
雲山長繫古今愁
高秋霜樹飛紅葉
曲岸寒沙起白鷗
轉處鄉心誰可語
泊々唯對水東流

雨夜舟中感懷

蕭々夜雨滴孤篷
無限秋聲落枕中
客清殘燭短髮
鬢懷人愁斷五更風
蠶叢蜀道秦關隔
墟屋曲巫流

漢水通世事浮沉應有數一官焉敢嘆途窮

葉仰山侍御歿憲江西詩以送之

剖符持憲出瑤京疏草還留柱下名
范叔奉書應攬轡韓公為政罷談兵
鄱湖水滿通甌海廬嶽雲高接鳳城
君去正當桃李候春風早已播芳聲

鄭貞元 永嘉人

白雲菴

芒鞋踏遍白雲阿滿壑松濤疊翠波
一自老禪談偈後半簾明月照人多

朱邦采

字氏貞號樂山永嘉諸生
入太學徵就鴻臚寺丞

橋東酒家

問酒江橋柳影斜
勾欄高檻玉人家
十分賣弄春光
好不揀青旗揀杏花

書所見

樓頭羅幙捲春烟
細柳纖眉巧弄妍
半日異香吹不
斷倚欄人在落花天

周宗旦

疏岐山
永嘉人

送別

立盡東風草色青
鶻啼日落暮愁生
江流不斷春雲
合一樹垂楊萬里情

寄贈方隱君

隱君家在九華山夜：春風吹珮環雙袖白雲留不
住化為龍炁滿天關

二

日二騎雲向武夷芙蓉千尺棟天池：邊白鹿春無
數叱向高巖耕紫芝

三

山中高卧六十霜青雲為佩霞為裳南溟六月赤虹
起羣仙跨之來翱翔

四

九鯉湖邊黃石家
安期之棗大於瓜
割來釀作崑崙
酒醉殺桃源萬樹花

席上留別高伯宗

萬里江花拂石橋
孤槎去弄廣陵潮
雲中倘遇崑崙
子寄爾秦時碧玉簫

二

大江南去片帆輕
江上浮雲日夜征
回首帝都春色
遠萬家楊柳為誰生

華陽道中別友

共持瑤草下天關
萬里秋風吹別顏
馬上白雲晴不

散知君客路向青山

趙舍

號澗邊
永嘉人

題畫

羣山遇雨青欲飛
蓼花紅重秋江肥
漁家茅屋小如斗
白沙翠竹連柴扉
扁舟釣罷橫江曲
霜楓吹葉船頭落
瓦甌村酒蓬底香
一笛清吹裂山竹

輓葉梅莊

梅莊老子種梅處
人去莊空梅幾花
自昔門牆無俗物
至今香影屬詩家
我曾策蹇寒敲雪
君為摧枯夜煮茶
從此悲風掩柴戶
凍苔生遍石床斜

即事

秋光隨雁落長江一味新涼薦玉缸水上石楠花幾
點夜來風雨打西窗

蘭

楚騷歌罷水天秋露濕幽香夜不收一曲朱絃人不
見月明江上水悠悠

詠白紵扇

十二瓊樓生白烟珠簾半捲桂花天美人弄玉在樓
上雪花霓裳金鈿蟬

白雲飛去湘江曲一片秋陰帶晚涼不用更誇清暑
殿君家自有玉簫籥

三

東海鮫人夜織綃風吹水鏡白飄飄
交刀剪斷秋雲薄西嶺千秋雪未消

四

雲母屏風碧玉臺美人雪腕紫金璫
洞簫吹出參差曲飛下瑤臺白鳳凰

五

廣寒宮裏西風早三百霓裳怯夜寒
舞罷鉤天眠未

得白榆樹下玉欄杆

陳紹賢

字雨賢永嘉人萬歷歲貢授益府教授著有傳芳集

贈陳學博陞任巴東

甌江冬暮最關情
落木千山此送行
一命原為秦博
士五經重授楚諸生
雲開古壘龍山近
天遠孤舟夢澤平
別後思君何處是
猗猗蘭芷滿江濱

蔡子鳳

字允陽瑞安人著有松月山房遺稿

有所思

秀峴山下君之家
昔年同君春看花
今年我病將二載
可憐咫尺如天涯
小窓長夜對明月
明月如人圓

復缺相思相見定何時淚滴青衫寒食節起弄瑤琴
傷我神孤鸞一曲悵離羣罷琴據枕且復卧夢裡倘
應還見君

移竹

美人相贈碧琅玕蒼雪紛：六月寒落盡杏花春不
見山意細把此君看

何

堅

字子固永嘉人魯府審理

登太武山絕頂

層巒萬仞翳清芬獨上峯頭躡紫雲眺望宛然天路
近笑談疑在半空聞聽緣辟荔巖花落鳥汶平蕪野

渡分餘興不妨拚信宿隔林疎影映斜曛

偶成

盈：鳳吹陽明霞笑指中山是我家明月夜深吹鐵
笛一聲：滿碧桃花

浮宮渡

浮宮渡頭潮正平江風初起浪花生靡蕪兩岸隨風
舞亦似垂楊管送迎

王

顯字綱夫
樂清人

仙洲歌贈翁訥菴

我思蓬瀛渺何處弱水迢迢隔烟霧桃花流出武陵

春仙境分明在人世洲中老翁人中仙洲居占斷壺
中天綠波溶碧沙暖汀花岸草皆春妍老仙倚欄
橫鐵笛一聲吹落魚龍魄塵凡路絕無消息一鶴倚
然伴吟室我亦十洲仙者沆何當借取太乙蓮花卉
風帆浪楫共君洲上游笑弄一天明月秋

吳寶秀

字汝珍平陽人萬曆己丑進士贈太僕寺少卿

京邸述懷

巾車平旦下江州烟鎖長江慘不收
誤着青衫頻拭淚偶拖紫綬却添愁
長家空作二千石報國慚非第一流
若教狐兔歸故里願隨牧豎學騎牛

試郡匡廬席未溫驚傳緹騎捷如奔捐生寃婦誰還
肯後死孤臣幾斷魂池閣飛霜履國士江城落月泣
王孫傷弓空有雙飛夢解網憑誰叩九閭

王名世

字時可萬歷丁酉戊戌聯捷古科三元官錦衣千戶

同馮太史遊小西天

翠微處：自氤氳杖履春風盡日熏古洞有龍常鎖
霧長林無木不棲雲拾囊應得詩千首携榼從拚酒
十分最是平生豐草性願因麋鹿結為羣

周一奎

字光叔號元大永嘉人萬歷歲貢官至安州守

送劉博士之任湖廣

落日甌門外長波破暝烟
官仍寒博士人上楚江船
海月歸仙旆山花媚遠天
自憐吾道大萬里一青氈

贈友人之任

與君識面潞河頭握手猶期上帝州
白髮窺人羞老大青春作宰正風流
浮雲忽送玉喬烏明月偏宜庾亮樓
東出廣陵潮信滿片帆搖曳大江秋

項維聰

字懋德永嘉人萬曆戊戌進士官至江西按察副使

彭城懷古

館轂當京口輿圖據上游
天連千嶂合郭遠大河流

故壘猶存項高臺不復劉斜陽荒草裡虫語泣清秋

送李懷可北上

細雨津亭暮君行思渺然樽前河畔柳望入薊門烟
裝重惟長劍心雄有短篇漢廷方急吏知不負才賢

題畫

新漲水先浮倒涵山影濕津頭柳欲迷小艇偏能入

二

近山復遠山一望綠清淺高卧北窗風冷々亦稱善

三

木葉墮秋空巖陰背流水幽人巖下行臨流拾紅紫

四

皎然成四壁險絕不知寒
從他白玉案妬殺青琅玕

代閨人作

芳草青驄君去時
那堪黃葉墮秋枝
夜來天際看新月
多少傷心兩地知

漫興

無言獨倚木蘭舟
見客猶遮半面羞
我有青衫應欲濕
無人知是舊江州

吳光翰

永嘉人萬曆辛丑
進士任利津令

怡雲館為項叔定賦

白雲何方來泊君庭戶閒
伊君據高梧吟弄相與閒
閒雲本無心在山時出山
飄然乘風至飄風乘風還
聊奉幽人歡塵世誰能攀

塘栖舟中

客夢三更月舟行西岸霜
角聲悲古堞雁影起橫塘
羈旅寒偏早懷人夜倍長
孤帆向何處雲樹正蒼茫

泊清江浦寄山陽楊明府同年

長堤四望渺烟波欲泊扁舟
更渡河江北雁鴻秋後
少山陽砧杵晚來多蕭條
古驛霜千樹冷落漁燈雨
一簑為問彈琴淮上宰
小山叢桂近如何

林 暘 字日生
永嘉人

長安懷古

長安城郭古神州
畫角金笳動客愁
花萼樓臺虛夜月
未央宮殿鎖新秋
浮雲落日悲寒照
刺水殘山憶舊遊
惟有前朝陵寢地
年年烟雨濕荒邱

石門晚泊

幾年不到芝田路
今日重來宿石門
梵宇樓臺銜落日
小家燈火靜黃昏
穿篷月色入人意
入夢鐘聲斷客魂
拂曙□□□間眺望
青鞋還宿舊苔痕

柯 榮 字茂倩
永嘉人
著有歌宜室集

送陳仲明遊閩

有客維舟賦遠遊
離心空逐大江流
浮雲影裡龜鼈
國旅雁聲中荻葦洲
千里他鄉重作客
十年愁鬢又逢秋
已知湖海元龍傲
何日還登百尺樓

鮑雅卷

永嘉陳舜咨春堤纂訂

校刻

明

楊汝遷

字木父
永嘉人

張耒相入閩吊邱梁雲陳景湖二舊令賦贈

十月梅花發江國汀沙尊酒愁無色晚風誰繫孝廉
船千里停雲留不得緬懷天際故人心流水相將賞
妙音玉樓一去不復返甘棠十里空森：邱陳二公
以官死眼底誰稱真國士故鄉對泣土不乾宿草猶

思拜冠履殷勤不憚涉重山白馬蕭蕭度關關十年
磨鏡電光赤炙雞絮酒傾頽頽迺里街今桃李荒俯
應門兮童僕止生前肝膽孤劍在白楊秋樹烟蒼々
牽衣送君寄君淚榕葉含霜薦丹荔嶺頭白鶴化人
身行歌先付相思字

林

翔字西隱
永嘉人

送何无咎之白門

祖帳青尊此送君關山鴻雁不堪聞石梁霞起飄詞
采亦土星纏動劍文萬樹秋聲遙帶雨千峰寒色莽
生雲西風何處送搖落日斷河橋路轉分

林宗志

字學海永嘉人萬曆歲貢
官處州教授著有覆瓿集

別錢爾寧文學

彩筆裁成五色章
天花亂落楮雲香
雄心早伏談雞案
疾足秋雷逐鹿場
曠爽正堪舒虎嘯
顧瞻誰敢復臬張
青雲已借英雄路
千里長驅到帝鄉

別李子建文學

筆花燦々映奎光
瀟灑才情李十郎
藜火案頭堆白雪
芙蓉匣底吐青霜
生來汗血知龍種
出應文明識鳳章
科第君家真故物
憑君掇取似探囊

董振宇貳守新築佳城

回浦真人棟九還新安丹竈郭西山鬱葱生氣分金
井活潑元神作玉環元鶴暴翎朱草地蒼虬點翠白
雲關由來三老羣推重大藥應須駐玉顏

周鳴謙

號益所樂清
人萬歷歲貢

遊雁山

翠壁丹梯倚五城秋風吹客不知程雲關古蕩千峰
淨雨通靈湫萬壑鳴彩筆欲將霞色染寶珠應向夜
來明含情今古還搔首處金壇綠桂生

宿能仁寺

香閣瑤臺控上方雲烟松靄共蒼蒼依僧鶴步千花

靜入漢峯連萬樹長映竹水光分小澗
迥橋花草帶斜陽晚來欲問三空誅雲捲青天寶月涼

周應期

字克昌永嘉人萬曆己未傳臚官至右副都御史

游仙巖

梵宇尊嚴似化城况兼洞壑逗蓬瀛靈區合寄仙人
路丹爰光鑄福地名峯聳碧霄千玉立泉飛梅雨萬
珠傾結廬日二宜來此雙屐披雲更濯纓

王至言

字昭文憲副西華公孫萬曆副貢任太常典簿著有笙鶴軒詩集

集雜鳴山憑虛閣

宮堯虛閣俯瑤京引露新桐拂曙清佛國樓臺從地

湧帝鄉日月入檐明風生壁水搖龍藏雲起鍾山繞
鳳城薄暮憑欄共仙侶恍疑身世是蓬瀛

登永寧山

東甌海上最高峰結伴來登仗瘦筇山控孤城封薜
荔潮迴雙塔出芙蓉平原綠映千疇稼遠壑聲寒十
里松一嘯長風招玉羽相將此地覓仙蹤

送侯觀之之任南京儀部

水落清江一雁飛翩翩仙鶴向南畿雲開曙色雞鳴
磬潮送秋聲燕子磯珥筆總收山水勝握蘭偏愛薄
書稀登高倘亦懷玉架莫惜瑤華到翠微

雙白燕

梨花庭館逞容輝
枝尾淡々逐偶飛
別院至今遺玉匣
舊人猶自記烏衣
雪迷鴛瓦歸難見
月上鵝梁影乍稀
愁絕有時相對語
海天寥濶去何依

劉思祖

字長孫永嘉人任江西本將著有之梁山房集

韜光寺

厯險重尋寺
龍宮十里遙
烟分江郭樹
雲壓海門潮
颯爾諸天近
迥然萬劫超
坐深聞梵唄
林籟轉蕭々

梅花嶺

為探梅花嶺
來依楊子津
深松青帶郭
曲岸白吹蘋

異代名賢圃
當時獨樂身
躊躇不忍去
相對石嶙峋
飲湯見絃左丞宅

得見真如夢
天涯恍一家
杯深霜後葉
燈落雨中花
劍氣沉湖海
萍踪負歲華
離心與鄉思
啼徹夜城鴉

揚州瓊花閣

樓閣憑虛駐
客車墟烟渺
樹棲鴉城高
百雉雄今昔
地控三吳盛
物華舊觀不堪
聞墜葉居人
獨自說瓊花
傷心莫問前
朝事并四橋
邊日欲斜

懷姚龍文

獨憐流滯共
他鄉白草連
天道路長
鼓角夢迴江漢

月雁鴻聲斷
薊門霜論文自任平生俠
結客誰當年
少場一夕思
君揮綠綺
葉葭落木夜蒼

黃國信

字道元
永嘉人

將入雁山趙秀映徐有聲
曹誠齋集蔡台垣齋

中即席

涉世何如適世長
半生碌碌轉堪傷
立言枉作千秋計
繞指旋銷百鍊剛
叢桂豈無招隱地
空花渾入少年場
勝緣好與諸君共
一借龍湫洗俗腸

雁山觀瀑

遙聞邃壑響晴雷
天際泉飛一道來
映日光搖虹變

幻迎風素捲雪徘徊忽從歌嘯沾衣袂時灑珠璣落
酒杯四顧霏_二者不足又憑拄杖上高臺

石梁洞

石梁半跨勢如虹竒峭應憐造化工蓮社名香迷谷
口楊枝甘露落巖中傳燈未有僧留偈躡屐時逢客
話空相對已忘歸路暝滿前靈籟動天風

雁山大觀師有興復古刹之志

幾度龍湫謁詎那逢師今日雁山河勝緣已作千年
計大願休教萬劫磨箇裏機關知者少此中雲物悟
時多他年結就維摩室應許愚生問偈通

林逋 永嘉人

秋日贈何无咎游金陵

江上西風吹布袍孤帆落日掛秋濤
青山盡屬囊中賦碧水常涵匣裏刀
肝膽逢人三輔俠風塵結客五陵豪
懸知相憶登臨處蘆荻花開雁影高

張天麟

字季昭永嘉人天啓壬戌進士官至都察院右副都御史

芳草次韻八首 存一

花落黃陵處、迷章華臺畔曲江
西雨餘青圃蛙聲亂碧
綻春風燕尾齊鳳輦翠迴宮路
合馬蹄芳襯隴雲低玉孫歸
去年二綠却恨香塵碾作泥

秋興八首 存三

巴陵谷口曉猿啼萬井砧聲落木齊
九疊秋江鸚鵡北一彎新月鳳凰西
鮫人露泣珠宮冷織女機寒碧
漢迷高卧滄江君莫問迷津還渡夜郎溪

二

菊潭霜淨綴秋紋雁落衡陽不忍聞
曲水池平斜拂雨章華臺冷半堆雲
郎官湖裏江山老白雪樓前風日薰
聞道淮南多勝事桂叢應勒小山文

三

一派潮聲泣鷺磯洞庭木葉下瑤扉
江妃珠璫墮寒仍

滴神女雲深濕不飛千載史書誰昔是百年世事覺
今非滄江欲釣任公子應羨年々鱸魚肥

秋思

水澗菰蒲淨江空暝霧收客心原自冷搖落不關秋

二

湘水千年恨孤臣萬里情秋波催落葉寒雁兩三聲

思歸

迢遞荆雲結遠愁歸心日夜大刀頭月明無夢寒潮
冷搖落瀟湘又及秋

登定王臺有感

露下荆門摘袖酣五雲深處憶長安
定玉臺上秋風緊蔓草凝霜淚未乾

春怨

風中楊柳雨中烟處
青山叫杜鵑明月空懸金屋
裡愁心還寄玉關前

塞下曲

山後山前雁影遲江南江北寄相思
夜來一陣淒風雨正是香閣入夢時

隋隄曲

鷓鴣蕭宮城鳥夜啼清家楊柳幾枝低
春風猶鎖當年

恨萬縷千條盡向西

二

廣陵春到野烟多
燕語吹香花氣和
艷曲已銷清夜
冷長堤依舊月輪孤

邵建策

永嘉人天啓壬戌
進士官工部主事

郎中郎事

徘徊此地兩經秋
夾岸芙蓉引客舟
綽約昔曾憐太
史輕盈今又媚
常州欲將遠思
難為贈故傍清
樽暫與留同籍
同心花下醉相
看迤邐曲江遊

陳立政

字廷益永嘉人天啓丁卯
舉人著有無聲絃詩集

壽周石室先生

曾傳勺漏舊仙班
鍊得丹砂第幾還
元爰新藏太玉
洞絳霞長護小廬山
三危醞熟春應醉
五嶽圖成夢亦閒
為報漢家金馬客
歲星今已在人間

春情 存二

鳳凰一去度瓊簫
少婦樓頭黛色嬌
塞北書來山欲
代江南人去柳垂條
秦川漢苑徒荒徑
流水桃花舊板橋
何處春風不相憶
黃金白雪暗中消

二

九微清影暈團圓
綫樹瑤華照夜闌
急管擊絃催錦

白香塵綺陌趁雕鞍星標採曳連銀浦月姊依微出
廣寒惟有幽思飄不散翛然孤韻寄琅玕

桐江舟中

窈窕青山枕上迎橫空巖樹作秋聲晚來但覺衣沾
露若個蓬意無月明

陳憲邦

號鶴皋平陽人
天啓歲貢

仙壇寺

古木參差石磴斜琳宮闕處卽仙家月明松頂無歸
鶴春到人間有落花雙屐乍披青靄入疎鐘忽斷白
雲餘瀣二流水經年在幾度登臨感歲華

次韻酬施天覺

西風梧葉響疎窓
傀儡燈前尚未降
青眼故人唯爾獨
黃初佳句有誰雙
聽殘夜雨消茶碗
典盡春衣付酒缸
寂寞論心思鮑叔
幾回清夢度秋江

王至章

字昭憲永嘉人天啓
歲貢官至建水州牧

寄贈法幢和尚

大梅積翠倚南天
斗極輝々一望懸
祇樹畫含石掌
露曇花猶帶御爐烟
盛名碩業看俱幻
妙偈真詮覓共傳
回首宸居諸侍從
獨遺破衲引長年

咏懷

庭槐誰植舊時陰
迢跡墻東恐未深
一榻清風高士
卧半寔明月故人心
浮名無復塵中擾
幻境應從夢
裏淨土由來多
慧業試將妙果滌凡襟

劉康祉

字以忠
永嘉人

缺題

楚山望不極
楚水青若空
長天開浩蕩
萬里割鴻濛
客子愛清淑
戀：无氣中
扁舟澹容與
微咏也涼風
芙蓉不可采
心賞與誰同

送幽溪法師還天台山

我懷出世思
久厭塵囂網
十載負幽期
終宵勞積想

衣珠一念迷。敝帚千金享。每欲訪通人。與之游無象。
何當慧談微。誰扶凡夫曠。知者有雲孫。卓哉嗣遺響。
瓊臺結淨居。銀地開方丈。座冷水光浮。衣閒苔色上。
悠然五陰空。廓爾四門敞。學士競山瞻。緇林深嘆仰。
浮杯凌幻海。挂錫來窮壤。憐我固佛民。何為麗空鞅。
爰揮玉麈頻。更拭金篋朗。妙理破疑襟。元談恣勝賞。
寶池蓮欲舒。星澗泉應長。忽憶石梁雲。自扶桃竹杖。
秋風行色佳。落日離心快。猿鶴相向迎。交遊切餘愴。
我慙未拂衣。何得同長往。唯有夢中魂。殷勤到方廣。

幽溪刻旃檀像成志喜

末法日凌夷衆生迷習見苦無宿昔因不覩如來面
開士愍沉淪慨然思拯援乃崇象教源欲使元風扇
旃林購珍木鑿像依崇殿神力捷連供竒蹤切利現
金容滿月輝螺髻青珠炫彈指仰慈顏人天同歎羨
始知安養國居然趨震旦彌陀本性中生物原無間
余亦方外人偶爾牽憂患壯志願皈依塵情薄昏宦
焚香掃虛室長作西方觀已知劫是塵寧昧身為幻
稽首畢微誠接足希明覩幸資般若舟令余躋彼岸

贈周孺子

主人有腰不肯折三十三峯揮手別可因騎馬過此柴

桑爰與此翁鬪高潔六十年來鬢未華
門前垂柳識君家
樓窺雁沼初生月
檐捲松臺欲暮霞
春先未半開壽域
滿庭花帶河陽色
西望高峰是紫芝
似為君家充服食

華頂吟寄幽溪無盡上人

華頂峯高：綫許半截
山腰度風雨上拂青霄
望四明下矚滄江通
委羽我欲携枕眠
風頭胸中不挂世
間愁三年一覺命
酒坐醉呼李白為
清謳顧歡小兒
木石偶葛元老子
鹿麋麋儔才鬼
頑仙止足取劫
灰不問人千秋
香谷巖前老
和尚肯借人
間般若舟

洪州吟寄周方伯

洪州高樓章江側百尺璇題映江色檻外雲烟幻不
窮鏡裏飄檣通如織吾家去此二千里平生四度經
蘇水登樓箕踞兩迴耳鬢毛今亦蒼々矣昨日東歸
衝雨雪更上高樓看截窠目眩羣峰意已飛雲迷故
國心先折洪州使君量移去江上相思渺烟樹紫薇
署裡顏雲旁轉憶留連携手處

南昌首署一石甚奇
余為題曰顏雲此庚

午年君為
右轄時也

留別无咎少文二丈

雖被飢驅出其如步不前低回向兒女蹭蹬怯山川

雞足原荒服刀頭指陽羊期君惟善餘遊草藉君傳

湘浦

湘浦幾千里平波一鏡明寒烟生遠樹飛鳥沒孤城
秋水難爭碧何人似獨清銅官山下渚吾欲濯其纓

江曉

江曉晴雲覆白蘋日華欲動水粼粼
烟銷碧樹淨於沐波接青冥迥不塵
游子清秋孤興發名區三楚霸圖
新舟人指點龍爭地每拾青郊鏃似銀

桃源洞同張中丞小酌石上

桃源疑隱復疑仙欲問漁人已邈然
秋草未荒山寂

寂清溪不改水涓涓。只愁車馬銷靈氣。未必風塵少
宿緣。就此一尊吾已醉。洞門片石許高眠。

武溪道

沅江西去武溪深。瘴癘先寒客子心。青箬裹糧桐婦
餉。烏蛇漬酒蚺人斟。人行鳥外天如水。雲宿鼻中露
滿襟。不是輕車隨漢使。何堪宣髮度歎歎。

黔楚山深飛鳥絕跡。至洞庭始聞雁聲。

楚水西頭鳥不飛。哀猿時遣客沾衣。殘年湖上纔聞
雁。游子舟中正夢歸。舊國風寒雙翮短。故人天遠八
行稀。掀篷起視茫茫際。柳毅祠前月影微。

湘潭劉將軍招小飲

晚眺湘潭一艇閒
江烟漠漠鳥飛還
雲容欲釀明朝
雨凍色先寒薄暮
山河處尋梅堪寄興
因君得醅暫
開顏吟餘醉後聊
歌枕夢把新詩示阿鬟

至湘潭擬謁賀澹菴使君不果賦此寄懷

楚江處處畫中看
一抹湘烟雨氣寒
葉葉漁舟銜杏
靄鱗僧瓦出巔
岌春光逗柳枝
偷碧霜色酣楓樹
翠丹擬向龍城迴
短棹水光山色尚漫

數

琵琶峯下歲將闌
花石城頭雪未殘
客子如鴻多水

宿舟人斫鯉具晨餐江邊逐客祠猶在竹裡湘娥淚
未乾數：往來成底事短髯愁向鏡中看

河屯晚泊

烟樹雲波雪後新草亭竹屋自為隣香林鐘動月初
上野岸苔生水欲春縣小土田皆瘠薄地偏風俗稍
清醇豆糜菜甲資行客為餅青錢喚主人

汎湘江

越峽逢秋楚水湄欲乘秋色采江蘼浮雲不盡思君
意明月苾無解佩期長愛楚人尤善怨至今江調半
含愁一尊弔屈兼懷賈麗藻千秋更有誰

晚至醴陵

醴陵秋色接瀟湘，紫翠山三送夕陽。
碧草兩崖藏古寺，疎星幾點動危樞。
病餘腕骨憂殘暑，醉後癡魂憶故鄉。
露坐不堪舟熱甚，呼童潑水引微涼。

金錫敦

字師厚永嘉人著有大若山房詩稿

感遇

曠宕恣林壑，偃息念遐征。
中夜耿不寐，眷言世網嬰。
皓月紛棟宇，明河稀衆星。
攬衣欲往從，誰與諧同聲。
徒我雄心在，縱橫忽自驚。

冥濛訪陳蹟潛心王子喬
懽悅臨瑤碣美人凌波潮
眇眇清風生婉孌方自嬌
逸響出蘭芷素腕曳輕綃
飛鬢薄蟬翼雲翹玉作釧
臨流歌一曲自名玉鳧謠
風和鳥自舞白日忽瀟灑
昔充玉母使今次子晉簫
躡影問寒煖寸心千里遙

三

龍藏大澤中豹隱南山墟
駉首矯竒姿无輝貞草廬
徘徊顧流景皓齒嘆居諸
迺西流俗輩長年憶卷舒
老大委霜露弃置道旁樗
黃金羞故囊弃婦羞故居

四

英：南山雲白鶴巢為廬盛名不可極焉知千歲俎
榮華有代謝聲利何歡娛灌夫操餘焰軫蓋蔽路逢
尖勢張公子不如霍家奴祛服止鼎士高門鬱薊蒲
列炬中堂坐屏營方自悟

楞伽山

曠蕩尋幽邃遠岫排空突以茲歷荆榛級石望瓊闕
殿榭表巔岼窈窕神靈窟頽巖展翠旂風竇納寶月
檝：樹葉丹波：山泉滑路轉見石門雄峻兩相揭
竒踪訪支遁馬跡丰蕪沒山澗幽人居泉石頗矜伐
我媿塵垢容暫憇亦清越

送劉以吉駕部北上

正值春王月，乘輶入帝畿。
笑談佇文采，朗署借光輝。
河水浮舟出，山花逐馬飛。
蓬萊雲日近，色映侍臣衣。

同劉長孫舟宿江心寺時將抵錢唐

客思乘秋發，風高白浪驕。
辭家雙別淚，解纜一輕橈。
塔影隨潮去，鐘聲入夢遙。
清光今夜滿，相對旅魂銷。

送項懋德副使之廣西

春風吹柳綠，送客向祥柯。
萬里蠻烟重，千山桂樹多。
人瞻新節鉞，道偃舊干戈。
此去尋銅柱，應憐馬伏波。

宿吳山普濟菴

投宿依連宇，秋風戶外斜。
已忘身是客，唯有夢還家。
香岫靈桐雨，空林落寶花。
起來尋覺路，好為引三車。

過太湖

乘興駕輕舟，茫茫澤國秋。
地經三楚盡，水接大荒流。
漁艇翻波亂，風帆逐雨收。
怒濤天際濶，日暮子胥遊。

九日劉長孫招同吳門陳仲明
莆田辛不琢陪
蔣元定先生宴集次韻

蕭瑟園亭風滿林，招邀盡日
愜登臨。一尊湖海重陽節，
萬里星霜旅客心。雲外花香
吹桂樹，天邊雁影落秋陰。
松筠隨地成三徑，今日真同
蔣詡尋。

古意贈友

木蘭舟倚萬峰寒，羅帶含羞道路難。
風送蒲帆天際杳，歌殘珠淚眼中乾。
飛來短棹呼桃葉，歸去雙鸂鶒。
紫鸞夫婿任教青，幕坐小星當戶獨誰看。

項守祖

字叔定
永嘉人

雁山能仁寺雨後用謝公筋竹澗韻

幽遐今始登，瑰詭昔曾顯。
躡屩江路遙，振衣霜露泫。
蒼水含武夷，石峰秀巫峴。
周覽思扶竒，宏望歎凌緬。
茅屋歌將頽，板橋斜忽轉。
處休情固深，觀妙意非淺。
秋卉流雨芬，夕嵐逐風卷。
居然懽素心，遂爾超元眼。

柱石望中迷，旗幟若處展。遼絕世應疑，持殊時莫辨。
激賞自盈襟，歌咏寄所造。

石門廢寺

言登石門山，深入長嶽路。峭崖明月臨，虛竇浮雲度。
蘭若久埋蕪，舊址成新墓。蕩頂棲雁鴻，山坡走狐兔。
碧澗自迴環，青峰相拱護。謝公遊宿時，荏苒年華過。
今經幾劫塵，名在事非故。耶古意凄然，那能不興慕。

蘇楨

楨

字吉人，永嘉諸生。

遊雁山宿靈峯

峭壁嶙峋莫與齊，山雲踏遍仗青藜。石梁洞口乾坤

小天柱峯頭日月低
畫亦似昏烟出岫晴
猶疑雨水鳴溪鐘聲
午夜清人夢頓洗塵
心萬斛泥

邵建章

字少文號青門永嘉諸
生著有維寶堂詩集

雜詩

獨酌不成醉
儵然誰與娛
張燈坐密室
撫琴仍按圖
煩襟暫披豁
意勅復長吁
墮葉響庭砌
霜根鳴蟋蟀
時物悲冉冉
吾生興俱徂
忽念古達人
屏跡混樵蘇
而我獨何心
徇俗恒區區
韞匱有深意
違性非所須
三復櫟社篇
蒙叟真吾徒

謝公既游遨 尋山關棹莽 江海起遐思 驚竒恒獨往
千載想高蹤 冷傳逸響 如何末路間 披猖扞文網
進退兩失據 邱壑終難柱 所以柴桑翁 東林有心賞

三

南國稻再熟 何能解調餓 吾鄉緝八蠶 猶然賦無衣
貧士久寂寞 義皇遘者稀 飢寒亦細故 何事慕輕肥
東園收橡栗 西山采蕨薇 身名幸俱泰 時復蹈危機
偶合因所羨 卑棲未覺非

四

鐘聲薄暮微 落月留微光 解衣將就寐 撫枕愁夜長

長夜苦多思，展轉未渠央。
回憶少壯時，意氣何慨慷。
盛年一以失，誰為百鍊剛。
遲暮何足歎，榮悴理之常。
葶歷姜朱夏，歎冬華嚴霜。
物性有貞脆，後凋乃稱良。
寧藉鄒衍子，吹律回春陽。

贈括州潘醫士

妙得壺中秘，雲踪寄市傍。
諸侯迎扁鵲，女子識韓康。
眩豈須三折，坦能見一方。
仙都隣故里，遐莫接軒皇。

得馬居士書

長夏稀人事，荒園竹樹深。
捲簾通雨氣，移榻就花陰。
俗諱貧中樂，天容醉後吟。
遠書方外至，特地問禪心。

春江晚眺

海氣遠籠天
潮聲樹杪懸
鶴棲孤嶼塔
僧到晉院船
嗜酒疑逃世
臨流想濟川
烟波饒伴侶
垂白老江邊

夜坐

榻外一燈青
鐘殘酒半醒
竹深藏宿鳥
花暗度流螢
露重常疑雨
風多欲動星
苦吟頭已白
誰問子雲亭

初度日與馬季黃對以忠游鵝湖王氏別業

朝聞好鳥勸提壺
携得高陽舊酒徒
看竹且乘今日興
買山應作異時圖
半生愁緒催雙鬢
十載心期付五湖
醉客漫勞頻祝頌
書成自媿老潛夫

春閨

繡閣塵生掩鏡鸞題書誰與寄長安
簾通花氣春愁重枕遞鶯聲曉夢寒
列騎漫誇夫婿貴提筐羞見使君歡
回文錦字無心織教把刀環拭淚看

劉以吉擢山西督學却寄

從騎翩翩擁玉珂宦情旅思近如何
晉陽春色臨關少汾水秋風度雁多
代馬曾充燕市駿趙姬慣畫漢宮蛾
掄才知爾應多暇談笑何妨醉巨羅

遊姚山人扈與橋故居

徵君一去幾經秋扈與橋邊望小樓
草經尚留隣舍

竹苔磯猶繫野人舟布衣有憤輕浮世絲筆止靈掩
故邱可惜著書零落盡一生空自負窮愁

歲暮雜感

倦來終日掩殘編風緊霜淒又一年世事可知緣夢
覺閒情無賴倩詩傳沈公醉後堆多笑趙壹高才也
論錢自媿未能修淨業偶因未汁一參禪

二

深巷寒砧獨掩扉疎篁殘菊兩依依
撫琴動操游初息彈鉢悲歌事已非
敲砌有聲殘果落投林無數暮禽歸
清時隨地堪行樂不負江東老布衣

三
蕭蕭木葉下柴門
墻角梅花暮雀喧
訪舊幾回尋柳市
避人長自憶桃源
摘來園菜供中饋
沽得村醪當上尊
老去無聊思出世
燒燈還誦五千言

四

擁衾寒夜聳吟肩
煨芋鑪邊興灑然
不辭退之偏麟佛
長憐叔夜未登仙
人間空自營三窟
世上誰能到百年
斗室悠々玉宇宙
何勞天外更談天

初至南都

春來游思日相隨
萍跡遙離碧海灣
帝里鶯花新入

望白門桐柳正堪攀漫尋玉樹千年曲且看金陵六
代山形勝從來真可賦其如詞客鬢毛斑

讀姚龍文集有感

曾記同傾老瓦盆品題今古語猶存土花時泣秋原
鬼野草難拉夜月魂茅屋誰尋處處士錦囊空惜李
王孫淒涼莫把千秋恨邱壑由來道自尊

芳草

門前如織翠桐低夢破啼鶯望欲迷綠蔭苔痕茵乍
展嫩連柳葉帶初齊青樓暮雨侵簾幙紫陌春風散
馬蹄自是游人堪醉藉最憐斜日杏花西

中元夜江心寺法會供設塔燈水燈甚盛為賦

長律

梅檀香氣滿中川
四眾皈依古佛前
窣堵時疑三昧現
恒河夜睹九微燃
人間總入光明藏
眼底同瞻舍利懸
豈是浮漚鎔紫磨
却如空水湧青蓮
梵輪紅逼雲霄近
火樹光含島嶼聯
珠動東溟龍女獻
燈從西竺象王傳
沿流錦浪重：捲彼岸金沙穎：圓十里翻為星宿海
一灣遙接燄摩天
誰移多寶搖金粟
忽墮曇花散法筵
影耀帝京樓十二
照空塵世界三千
霞標掩映連華月
綵暈浮沉破暝烟
清露自飛銅掌

外靈槎已到絳河邊
迷津晃朗如平旦
幽魄齊登般若船

村居雨後

枯槎半卧水青苔
生水痕前山有霽色
早起一開門

古意

莫道邊城遠
深閨怨恨多
長門纔咫尺
永別奈君何

二

每怪梧桐樹
逢秋葉更凋
祇因曾結子
不敢怨蕭條

聽趙士良彈琴却贈

新聲鮮使世人歡
古調應知入耳難
莫把朱絃嗟絕

響有人能識董廷蘭

魏方二

相逢似有舊因緣妙伎通神豈偶然寄語東坡老居士不妨題作十三絃

方日新 永嘉人

寄永印二上人

扁舟斜傍綠楊村白木橋邊水到門極浦寒烟迷野樹空江細浪帶潮痕忽驚林鳥啼三月憶得山僧話六根欲取風旂憑寄問鐘聲溪色易黃昏

無題

水白沙青二月天
離人獨上路
潞河船應知到處頻回
首君在江南
妾在燕

鶯花處
報春光
一片離愁上太行
自是君心留不
住
休言柳色滿河梁

孫

林字子幹永嘉人崇禎歲貢
官雲州收著有越吟草

送鍾超甫之牛頭鎮時兄九疑北上謁選因及
之

鶯花三月滿芳洲
此日膏車慙壯游
祖帳雲開移象
浦
征帆風迅入牛頭
烟銷夜柝人高枕
酒對澄江卷

倚樓仕路聯鑣南復北二難應可借前籌

吳江舟行

飛、燕子舞春融雲樹參差縹渺中千里吳江看不
盡輕舟自掛一帆風

萬成樓

下



溫

州

覽勝登高萬成樓
一覽風雲接市州
行杖先而後
新次生寒初春意

水曰... 上... 到... 回

首君在江... 感

成

出在處... 教春... 此... 慈... 上... 太... 行... 自... 是... 君... 心... 得... 不

任休... 柳... 色... 滿... 河... ①

孫... 林... 下

黃... 柳... 銷... 愁... 風... 似... 無... 時... 无... 九... 疾... 北... 上... 獨... 遠... 因... 及

派... 燕... 子... 舞... 綠... 絲... 舞... 中... 十... 里... 吳... 王... 薛... 亦

當... 花... 采... 采... 舞... 游... 北... 日... 香... 車... 健... 壯... 游... 祖... 恨... 雲... 開... 霧... 家

柳... 絲... 舞... 綠... 絲... 舞... 中... 十... 里... 吳... 王... 薛... 亦

夔雅卷

永嘉陳舜咨春堤纂訂

校刻

明

王至彪

字文虎號積石永嘉人崇正戊辰選貢授南平令

萬歲樓

覽勝登高萬歲樓江楓搖落思悠悠
兩涯吳楚分天塹一望風雲接帝州
古蹟曾傳江左日晨懷獨對海門秋
凭高無限悲歌意朔吹生寒動客愁

焦山

江圍碧岫自峻增山以坐人舊氏稱泉石烟霞三詔
洞松風水月六朝僧人家燈火分京口天塹寒濤接
廣陵玉塢桃灣今寂寞臨汎而使客眸凝

宿遷遇張都閫督運河上留飲舟次

故人相遇蓼花洲錦纜留連碧漢秋夾岸牙旗圍畫
鷁中流簫鼓起眠鷗辭雲山色來歌席挾雨河聲入
戍樓此地金樽應共醉明朝別路恨悠悠

寄元娥校書

別時霜月浸寒湖今入羊城綠滿蕪江上峯青湘瑟
杳嶺南水碧漢槎孤夢虛楚岫雲朝暮書出衡陽雁

有無得寄相思教行字可知淚盡日南珠

瀟湘樓晚眺

瀟湘二水出泉陵千里江流入洞庭三楚天連雲夢
碧九疑山接祝融青磨碑猶識漫郎頌鼓瑟徒傳妃
子靈日暮砧聲何處急高樓風雨正淋冷

陳仁卿

字君融
永嘉人

秋夜

皓月照窻紗疎鐘清可數坐久衣袂涼露濕流螢墮

遊貞白寺

三涉尋山到永嘉白雲深處此為家一邱多種千年

木片石時樓五色霞

清溪舟中

兩岸丹楓映白沙
漁翁挂網夕陽斜
一甌歡共妻孥
飲却笑行人未到家

陳晉卿

字入素
永嘉人

柳枝詞

柳色依微映綺疏
鶯啼又過一春餘
飄零莫惜風中
絮飛入昭陽妾不如

寄華溪隱者

竹徑深：遍綠苔
山扉此日為誰開
隔溪迢遞聞人

語知是狂生索酒來

陳邦屏

字建侯
永嘉人

詠佛爪柑

玉液分仙品，金衣借佛尊。
掌擎承露瓣，爪破落霜痕。
色未空諸相，香猶滯六根。
洞庭曾作釀，莫種給孤園。

柳枝詞

無限春光御苑東，千株楊柳舞條風。
君王玉輦巡遊早，袍色青裁自六宮。

二

微風澹澹，月溶溶，扶起初眠。
夜色濃露，葉織成千種。

恨如人無語上眉峰

三

麴塵泥露覆蘭汀
江影染輕黃
到綺窓
少婦乍回河北
夢細聞啼鳥自雙

四

江南春半雨垂垂
正是妝樓倦上時
日暮軸簾樓上
看千條弱蔓已成絲

五

四牡勞心賦采薇
塞南塞北正依依
何如內苑黃金
縷不拂征衣拂舞衣

六

一從彭澤賦歸歟三徑蕭蕭影止疎時啓北窓相對
坐半依松菊半侵書

七

白門烟月古留都妾住秦淮舊姓盧一桁青絲低拂
水年々春老自藏烏

八

武昌門外綠鬟低花夢樓前翠黛齊怨逐東風無定
主朝來含露盡如啼

九

曾記者：拂館娃舞腰不讓美人佳自從水殿歸吳
治敗葉枯條夜吠蛙

十

十圍垂蔭蔽城臺憶得成行手自我匹馬重來人已
老攀條流淚不勝哀

十一

年來學鍛避風塵不奈飛花滿四隣恐化浮萍逐流
水南頭更引問津人

十二

黃沙磧裏遠從軍白馬津邊逐雁羣四月青連原上

草吹來羌笛不堪聞

十三

飛花飛絮滿郊原
含怨含凄欲斷魂
蕩子不歸春草綠
一庭風雨泣黃昏

十四

青絲委地學龍蟠
螺黛迎風疊翠安
猶恐君王愛長袖
邈來慣試掌中盤

十五

真成薄命怨紅顏
浪說風情似小蠻
自古承恩不在貌
年年金屋閉烟鬟

十六

飛英歷亂墮香綿繡戶流鶯細雨天春序半隨流水
去一回啼徹一堪憐

十七

輕雲薄霧鎖柔條舞伎初工靜婉腰春宴靈和開夜
殿萬條銀蠟正高烧

十八

新禽隔葉弄琴瑟公子金丸陌上拋萬綠叢中人影
亂幾多遊騎出西郊

十九

雖陽橋下水滄暗浪吹風拍岸高每日冶遊爭飲
馬十分春色點征袍

二十

數株交影拂金河幾樹含雲蘸碧波大內龍舟初放
鼓宮人齊唱採春歌

二十一

如愁如怨遠籠紗執手河干日欲斜聽到陽關三疊
盡河僮離緒遠天涯

二十二

蘭舟畫舫水雲鄉十里烟條夾路長記得箇人家住

處直西一帶小紅牆

二十三

隋堤樹盡垂青水滿渠塘月滿汀為問錦帆歸也未春樓千里望娉婷

二十四

綠珠含淚睇初凝碧玉臨風怨不勝一樣翠娥同老去年來承寵更何膏

二十五

誰家玉骨瘦荒邱風雨錢塘暮草秋得所穠華易消歇莫隨桃葉鬥風流

續柳枝詞

誰家汴水舊行宮
飛閣雕闌柳色中
雲合綺羅依畫舫
風調絃管驟青驄

二

淡黃嫩綠媚芳容
榮戟朱門列萬重
錦幔夜深巢翡翠
翠妝樓春曉照芙蓉

三

雨垂葉：疊成眉
風捲枝：散作絲
絃月含顰掩珠淚
一春不斷繫相思

四

寒蔭當春隱繡幃狂夫經歲未言歸
開簾一簇黃金縷亂綴迴文錦字機

五

風細郊原臘漸舒東皇初轉舊條疎
江潭一自驚搖落不分依：復宛如

六

板橋遙映影蘇：十里芳郊借綠鋪
一路青旗春賞酒吳姬十五正當壚

七

絳桃繁日淡垂堤白棟花時正葉齊
亦恨玉孫歸未

得半隨芳草碧萋萋：

八

幾度芳菲暗裏催長條似舊覆章臺年來怕有人攀
折門掩蒼苔晝不開

九

陌頭風日暖薰人飛絮香塵欲送春不捲珠簾停刺
繡暗憐孤影度芳辰

十

碧練新裁拂地裙綠鬟斜墮挽鴉雲驚鴻舞罷嬌無
力一曲鶯聲隔院聞

十一

歡隨公子宴西園
怨送行人望遠村
一樣春風偏不
共半迴舞袖半啼痕

十二

一蒂青絲遶曲欄
凍雲陰雨怯春寒
應憐老去腰肢
瘦縱使承恩不耐看

十三

麗歌春唱渭橋灣
南陌柔條惜共攀
記取隔羊心上
事夢隨飛燕落關山

十四

低垂金屋護妖嬈斜壓長門鎖
河嬌玉犖不來春寂
寂書燈虛度可憐宵

十五

吳幙曾經鎖燕巢長街底事
忍相拋東風有恨時飄
絮明月無情半上梢

十六

含啼露葉潤如膏似暖風
花撲作濤惆悵春明門外
路飛蓬愁絕不成搔

十七

兩行勻翠曲如蛾六幅輕黃
細剪羅自暖風流從不

慣盈：十五學婆娑

十八

曲：烟條覆浣花柳塘春水漫平沙傷心欲認前朝
事宮井春深集暮鴉

十九

曉風拂：起金塘春日融：照曲廊懊恨楊花似夫
婿亂隨蜂蝶學輕狂

二十

歌臺舞榭百花明
避日春光麗晚晴
巧畫雙眉憐翠
翠慣調繁語喚鶯

廿一

千古豪華說廣陵
迷樓深鎖碧千層
只今仍照蕪城月
十二欄干不可凭

二十二

子夜垂_二曉未收願隨殘
月墮金溝自憐妾命生來
薄羞向風前舞不休

二十三

易別輕離傷妾心
浮梁一去已春深
陌頭慣是年_二
折卷葉猶吹笛裏音

二十四

年少風流未可湛賦成枯樹與君參芳華暗逐春光
去試較依：更不堪

二十五

亞枝交影拂青帘日暮征鞍雨尚淹
鴛：馬蹄村路滑新花踏作翠泥泥

二十六

莫愁湖上綠羅衫蘇小堤邊碧玉颿
多少青：芳樹在只宜培護莫須交

林增志

字任先瑞安人崇禎辛未進士歷詹事府右春坊右中允晉少詹事甲申國變披緡頭沈寺自

號法幢

秋興

碧空如拭雨初乾
水冷銀塘粉未殘
幾處聞鷓思猛
士何人作賦
擅騷壇
相將西去軍
儲急零落南飛雁
影寒傳道奎光星
欲聚中霄嘗傍玉河看

二

西風瑟瑟起
堦除正是遊人感
物初夢裡
綫聲寒
下庭前
片影綠槐疎
月含湛露
蟾光冷
雲素
高天玉宇
虛滿目
蕭森堪托興
自憐詩思愧
應徐

三

蕭疎樹澹烟
浮幾度同驚
帝里秋
視草每懷
唐學

士清言寧羨昔風流烏啼紫閣分晨色蟬鳴青林動
暮愁闕塞何時馳露布至尊應上望英樓

姚虛煥

字龍文
永嘉人

中秋酌梁景哲中丞幕中因感去秋卧病豫章
梁公有令余移家之語故末及之兼柬豫章

諸公

書劍飄零老未休他鄉此日正中秋
千杯綠酒三更月一片清光萬里愁
江夏喜今逢北海豫章回首是
邠州故人賴有嚴公在何必灤西卜築幽

客夜

白髮歸何晚
湘江兩度秋
寒蛩將夜雨
併作客窓愁

陳謙壽

字少南
永嘉人

與鮑公發時公發受知於雍總戎故及之

烽火靜邊庭
江南錦作城
將軍容揖客
才子喜談兵
搖羽開朝壘
鳴刁集暮營
良圖如可佐
劇孟亦書生

呈社中諸友

不眠獨夜聞
蛩響散步疎
林傍月明殘
暑未辭紈扇
影新秋已度
藁砧聲披裘
有願從招隱
戴笠何才與
結盟自愧狂
夫頭盡白還
將談笑事縱橫

吳雲鴻

字和先
永嘉人

跑突泉

出郭饒春興尋幽到水雲
楚泉隨地湧細雪到池分
花氣微風暖嵐光遠樹熏
清都塵事少深院虛步聞

二

仙蹟蓬壺近天風播杳冥
氣浮巫谷紫雲落岱山青
好鳥喧林木文魚躍水萍
道人元理勝應與禹黃庭

蘇之偉

字介甫
永嘉人

謁文丞相祠

丞相祠何處淒淒俯大川
潮吞朱鳥味血灑杜鵑天
芳草朝烟暝青山落日懸
西臺曾擊石慟哭至今傳

寓淮上歲暮苦雨

殘歲偏淫潦，淒其思暮裁。
爭呼羣鶴下，偷臘一梅開。
風急絃音促，霜寒旅况哀。
秦淮花月麗，客子待春來。

真娘墓

為覓禪林至，虎邱還因孤塚弔。
風流繡衣欲蝕蒼苔，
冷寶鏡將昏夜月，愁松柏同心車馬地。
鴛鴦調曲管，
絃樓至今風雨，猶歌吹滿徑。
繁花怨舊遊。

晚經諸暨望苧蘿山

落日荒原望，越關同人艷。
說苧蘿山，草香花媚千年。
憾雲鬢，風鬟一夕間。
漫比明妃村，尚在共憐巫女廟。

難攀浣紗石上洲前月只為離人照悴顏

王起元

字隣喜號舉東永嘉人崇正己卯副貢

竹枝詞

江南春雨正濛濛郎在蘭船莫掛蓬二十四番花信

裡豈無一日石尤風

王欽彝

字予性號寒翁永嘉諸生著有硯北草

擬古

冉二歲云暮依二歎別離去三萬餘里會面未可期

北風嘶野馬我行永不歸恨無摩天翼振翮凌高飛

游子悲故鄉中夜起徘徊道遠曷云致慷慨有餘思

願為七絃琴為君揚音徽

二

西北有高楼我臨大道織紅粉妝蛾眉何皓
顧影解嬌羞可恃朱顏好人生如朝露安得不速老
歡樂貴及時為容苦不早不見園中花秋來作茂草

三

團圓匣中鏡有時忽分割與君非一身安能長相守
蕩子輕離別駟車升大阜君身車上塵妾意風中柳
揮手出重關去不回首

四

今日良宴會擊鼓意揚：美人顏如花顧我發清商
援琴一再鼓逸響何飛颺誰能歌此曲無乃有餘傷
四座皆歎息曲終更徬徨嗟彼有心人款歎泣數行

五

白楊何蕭森羃：北郭墳陰風悲以栗松柏摧為薪
下有黃泉客乃是青雲人結客矜游俠通籍列要津
長安連甲第出入御朱輪長懷千歲計不保一時身
遠馬賈朝露漸與狐狸親微吟雍門子於邑孟嘗君
不如飲美酒日夕娛嘉賓

錢塘江上聞簫

錢塘江上南歸客，夜泊孤舟江月白。
誰家五夜忽吹簫，萬籟無聲人寂寂。
初聞似奏梅花落，須臾響徹浮萬壑。
推篷細按轉鳴榔，秋寒楊柳霜消索。
何人不起故鄉情，我悲老大重飄泊。
君不見潯陽江頭司馬泣，琵琶亦向青衫濕。
千古傷心共於色。

王宏化

字敦夫，號水如，永嘉人。

章門遇鄭君

同為五嶺客，一別十三春。
意氣君猶在，肝腸我自真。
乍逢驚短髮，相問借餘身。
不涉江湖險，誰甘故里貧。

玉蒼山贈隱上人

偶來尋古寺十日為林泉霧重長疑雨雲開別有天
疎鐘清短夢皓月印深禪幾許煩師意茗香動自煎

早秋懷予性姪

江雨江雲暑欲收山花山鳥日初秋雲拖雨去舒晴
色鳥傍花來結暝愁高論每同千古恨曠懷欲與五
湖遊翻嫌咫尺偏多懷松月窗虛空翠流

歸興

客途風物又高秋黃葉山溪正買舟辛苦後羊蠻海
瘴縱橫羣盜旅魂愁壯心欲擲班生筆浪迹深慚季
子裘欲向浮漚問真假且乘明月濯滄洲

過法通寺

策杖春晴十里天，遠聞山磬出林廂。
花光夕帶斜陽立，竹靄昏尋小徑穿。
入夜心清香自妙，空壇月靜影猶妍。
覺師自昔成脩地，知爾能參不二禪。

西林庵

夕陽沉翠半山霞，小徑門深一院花。
清興况逢林有竹，閒遊何事酒為家。
黃鸝對語嬌猶澁，碧樹分陰靜自斜。
獨向春風吟轉劇，片雲扶杖上西華。

陳璋樂清人

弔趙烈婦有序

烈婦黃氏盤石衛人趙純初妻也崇禎癸酉
純初病死黃號天絕粒慎舉殯越三日中
夜乃沐浴整衣携幼子出門行三十餘武遂
投於河之水清淺蓋枕流以歿而黃年僅二
十有五云

娟皎月照河塘黯黯佳人離繡房寂寞長街更漏
永出門仰視天蒼蒼蒼天欲訴愁無路夫止家破復
何慕只留一子存趙孤拋棄芳年等朝露芳年拋棄
事如何祇惜從前恩愛多牛衣數共中宵泣肯易初
心着綺羅妾心不羨湘江竹泪血雖存夫就木妾心

不羨柏舟艱白骨能堅夫骨寒惟羨曹娥江上水不
願獨生願同死夫情父德重於山成仁取義都如此
慷慨捐軀豈等閒獨存正氣還兩間願為連枝生九
地願為比翼繞天關比翼連枝真足羨一寸剛腸經
百鍊紛二世上二庭人過此河邊重泐面

陳之聖

字庸先號文園永嘉處士著有綠
草憲課餘雜咏絳雲真集

登松臺山

落日西山上古堞聚寒鴉孤笑我何依落拓空有家
近聞關輔賊殺人如刈麻競探赤白丸名號何紛拏
誰為階此厲詎不重迺差念我丁亂世浮生未有涯

青春如過夢，髮髮恐先華。凭高一以眺，悲風捲黃沙。
送聞野哭聲一，和清笳攬景愁欲絕。令我重嘆嗟。

把青樓

之子能耽隱，蕭然在澗阿。樓高臨野曠，寔不受山多。
花竹依春檻，鳧鷖信晚波。不妨成翫，寧用惜蹉跎。

聞亂

人事天時竟若何，果看荆棘沒銅駝。鼓鼙直北還雷
動，寇盜西山比蟻多。羽檄公私皆獸駭，妖氛里巷但
民訛。可憐生世艱難日，太息空將淚眼搓。

杜宇聲嘶海棠中原三月草無芳誰放社稷移凶
盜却恃江淮作鉅防諸將憤兵龍虎戰新君守位色
禽荒縱無壯士同仇恥豈乏仁人救死亡

題江心寺壁

辟荔經春上古墻梵宮人散畫淒涼干戈天地開真
主寇盜關山尚戰場城角臨江催急戍齋厨隔宿絕
餘糧最憐海燕迷時事猶戀新巢繞寺梁

二

杜鵑血吻哭何哀千樹愁吟白日噴東塔天連西塔
暗早潮訊逐晚潮來不堪帝胄登刀俎見說將軍着

墨線忠孝人生皆大郎
幾番痛恨更徘徊

春夜感懷

昨日東風拂短牆
園林已自逗春陽
柳依月照陰含
綠梅傍池開水帶香
閱得滄桑人未老
夢回蕉鹿夜初長
漏聲一二閒中
數萬理澄觀黯自傷

梅花

春回臘盡換時光
又見梅花作淡妝
竹外一枝村舍
月橋邊幾點寺門霜
不知寒芷並多禁
落曾伴幽人閱
亂止憐爾騎年開
落葉元冥謝後又勾芒

村行口占

獨行苦迷津孤亭且小住落日淡荒原秋風擺禾黍

二

流亡稍已復邨墟見晴曉幾縷炊烟青因風出樹杪



溫州

溫州府圖書館